

MULUMIWA WA MANZIBWANA

 Ni itumezi, hahulu luli. Mulena ami fuyole.
Mwa kona kuina.

² Mwana ka na zuhile kacenu, mi ali, “Tate, Ni lakaza kuli kambe ne luka bona keleke yani lusika kala kale kuyaha ya luna, ki sibaka sesinde hahulu.” Mi a bulela ka za... Ali, “Nali kuba ni katane fateni mukutazi, kono haiba ki mutu yomunde sina musala hae, kaniti ki mutu yomunde.” Kacwalo lu tabile fa kuba mo.

³ Mi Ni—Ni libelezi ni kutilima kwa—kwa mukopano busihu boo, kuli Mulimu a sulule limbuyoti za Hae fahalimwa luna ni ku lutusa.

⁴ Cwale luna... Ni keni fela mwahali, mi Ni utwile Muzwale Williams, Na lumela, u belezzi nto yeñwi ka kuba kwa Ramada. Mi Ni sepa kuli lizibiso li ezizwe kale, ka zeo. Hañata ba tokomelanga zani Ni si ka fita kale. Mi luli lu libelezi nako yende kwani kwa mukopano. Mi siemba sa ka fa ki kuya kwateni ni ku kopana ni mizwale ni kuba mwa kopano mwahala sicaba, ni kulapela kuli Mulimu alufe muzamao wa—wa mufuta o lukela, mi kipeto lwakona kuya hande kulibana ni Ramada mwa mukopano omutuna. Mi kacwalo lu lika ku potela likeleke kaufela ze lu kona, kufitela nako yani. Mi luna ni nako yende. Lu na ni nako yende luli hamoho ni kopano mwahala mizwale baluna.

⁵ Mi hañata Ni... Mutu kaufela wa ziba kuli ha Ni mukutazi yomutuna, Ni taya fela ye itusiswa ka siwela. Kono Na—Na... Bulumiwa bwaka ki li lapelela bakuli. Mi Na... Lubile lubile ni sikwata sesiñata luli mwa masihu, ni lika zeñwi, kufitela mane lupalelwa kuba ni sibaka sa kuezeza cwalo. Mi lu ka lika haiba lu... ha lu ka kena mwa libaka mo lu ka kona, mwahali mo, kuli lufe makadi ni kutisa sicaba mwateni ni ku ba lapelela. Kono kuba ni mukopano busihu bulibuñwi ka nako, ze mu sa koni kuba ni zona busihu bo mi kipeto ba libeya mwa sibaka sesiñwi kusili busihu bobutatama, ni kwa sibaka sesiñwi fela, kuli ka nzila yeo Ni ezize fela ngambolo nyana ye—ye likani—ye likani busihu ni busihu kwa sicaba, ni zende ze Ni kona ka mufuta wa... kuba ka likute ni kanya ya Jesu Kreste, mi ku Yena yo lulata kaufela ni kulumela, ni kukopana kwa luna hamoho.

⁶ Ni sepa mu utwile za kozi fa manganandila, mizuzu nyana fela yefitile. Ha ni zibi haiba muuna yani na bulailwe, kamba neli cwani kaufela, mota ya taha ona cwalo. Lwa yema feela, ku ba feela ni linzwi la tapelo, linako nyana ze fitile. Mwendi ki libima zepeli fa ñambamo kwanu ne kuna ni yomuñwi ya na punkilwe ni ku wisezwa mwa mukwakwa. Mi mutu yomukima

na apesizwe kwani. Ni mapokola nebaliteni kwani, kono ha Ni sepi kuli ambulasi ne se ifitile kale kwani. Ba lukela...Haiba na si ka buliwa, kona kuli neli...Kunata kwa neku *le* ni ku itenga kwa sikwalo sa kwa neku leliñwi, kona kuli ne li butuku bo bumabote luli. Mwa ziba, fela ki...

⁷ Lu swanela kusebeleza Mulimu ka muzuzu kaufela. Ha lu zibi nako—ha lu zibi nako yeo lika zeo li kona ku ezahala. Mwendi lu nahana kuli haikoni ku ba luna, kono mu ziba kuli yakona kuba, mwa ziba. Kacwalo, Ni lumela Jesu naize, “Mu be baba itukisize,” kakuli ha lu zibi muzuzu kamba hola ye lukona ku bizwa ka yona. Mi kona lu ka ya kwa sibaka ko basina likozi, ni ko ku matata. Lu tabile hahulu kuli kuna ni sibaka se si cwalo mwa sepiso.

⁸ Mwa ziba, ona muhupulo wo luli busihu boo, busihu boo, wa—wa kubona kuli lukona ku nyolelwa sibaka se si cwalo, seo sibonisa kuli sibaka seo si teni luli. Mwabona? Mi luziba kuli ze maswe kaufela, miluti kaufela, kuna ni kuba sesiñwi kuli ku be muluti. Muluti ki ponahano ya sesiñwi. Kacwalo haiba kuna ni bupilo sina bo, bu paka kuli ki muluti feela, kona kuli ku na ni bupilo bw2a niti kokuñwi bo bu bonahalela ku boo. Mwabona? Mu taleme kota, mo ibezi yende kota yateni. Mi mwa ziba seo sili sona? Ki mufuta fela wa yona, ki muluti, wa Kota ya Bupilo mwa Lihalimu.

⁹ Cwale, mwa ziba, Mulimu ha na tile mwa lifasi, ha Na bubamela fa lifasi kwa simuluho, mi mwendi sika sa pili se ne si kalile kutaha neli—neli simbuluwé, sina baituti ba sayansi ha ba lika kubulela. Nto yetatama hakulata neli sika... Ni lumela mwa kushimbuluka kwa pupo ya Bukreste, kono ha Ni lumeli kuli kaufela li zwile kwa mali a swana. Ni sepa neli fela... Mulimu na ezize simbuluwé, mi hape Na ezize ni tapi, mi cwale A eza ni sesiñwi fela. Mi fela... Ni lumela ka kupahama, isiñi ka mali a selu yenyinyani, kono sibupiwa se si shutana ka nako kaufela.

¹⁰ Mi mafelelezo A zwelapili, inza pahama mwa libupiwa, mi kasamulaho ya bonahaza Yena ya na eza musebezi wa kububama, ya li Mulimu. Cwale, kubonisa kuli yeo ki niti, Mulimu ha na eizizwe nama ne li Jesu Kreste, mutu. Mwabona? Kacwalo, isiñi Lingeloi, neli mutu. Kacwalo si bonisa kuli ne li paka Yena.

¹¹ Mi, oh, Bibele ya kale ye itezi ona litaba zende zani. Na fela... Ni tabela fela kubatisisa (mina bo?) ni kukena fela mwateri ni kututula maluli kwa Teni kaufela, ni ku Li talima ni kubona seo Lili sona. Ka mo macwe aitusiswa kueza masale ni lifaha zende, mina sicaba mwa ziba mo mwa Arizona, macwe abutokwa amatuna azwa mwa liluli la lifasi. Kona ko azwelela. Mi masale a Mulimu a zwiswa kwa liluli, ni ona. Mi Yena...

Lu tabile hahulu kuli U lufa kolo ya kukena mwa sibaka sa Hae sesituna sa kucincezwa, mi masila kaufela a zwiswa.

¹² Mwa ziba mo ne ba ezezanga? Enisha, mina sicaba sa mwa Arizona mwa ziba mo ne . . . ba si kaba kale ni za kushengununa, mo ne ba shengununelanga gauda. Lu bulelwa kuli ne ba nganga gauda ni ku inata. Ma Indian ba kale ne ba eza ona cwalo, ku i nata. Ni ku i fetula fela kwa ni kwa, ni ku inata, ni ku inata, kufitela ba zvisa masila kaufela ku yona. Mi mo ne ba zibelanga kuli masila kaufela a felile (mafume kaufela ni masila ali ku yona, zani kaufela), ha ne ba ziba mwa kuezeza, mu na ti wa yona uka bona sifateho sa hae kuyona, na ipona iliyena. Mi u ziba kuli iya i kena, ha i bonisa sifateho sa hae.

¹³ Mi, mwa ziba, Ni sepa kuli Mulimu u bata kueza Keleke ya Hae ka nzila yeo, kunata fela lifasi kaufela kufitela sifateho sa Jesu Kreste si pila ku mañi ni mañi wa luna mi lubonahalisa Bupilo bwa Hae. Fohe kipeto lu itukisize ku za Hae... U Iponahaza ku luna ka nako yeo, ha cwale ha lu . . . beya kwatuko kaufela ze luimela ni sibi se si lu hanelela fakaufi, kuli lu mate ka ku itiisa mwa siyano ye lukiselizwe luna, lunze lu talimile kwa Mutala Jesu, yena Mutateki ni Mufeletezo wa Tumelo yaluna, Jesu Kreste. Lu tabile hahulu ka Seo!

¹⁴ Cwale, hañata Ni bulelanga busihu ni . . . Ni bulezi ku Muzwale Carl Willims, Na li, "Muzwale Carl, sicaba sani ha si lati ku ni utwa hape, fahalimu nifafasi mwa misindi yani, ku ba buluka kufitela lihola zepeli kamba zetalu mwa busihu."

Ki hali, "Kihande, kihande, ki fo he."

¹⁵ Kacwalo Na itumela kwa tibelelo yamina ka—ka ku ni mema kukuta hape. Mi cwale busihu ni busihu . . .

¹⁶ Ne ni ambola ni musala ka nako nyana yefitile, kwani . . . U kwa Tucson cwale, mi Na li, "Ucwani moyo ka foo?"

¹⁷ Ki hali, "Kwa futumala." Mi ki hali, "Kikuli una ni musipili wa kwateri?"

Se nili, "Ee kicona, mwendi lishumi kamba ilebeni busihu ni busihu."

¹⁸ Na li ku yena, "Ni ka ikatulusa ha Ni ka zwa kwa Arizona nako ye mwa mukopano nyana wo. Ni ya kwa likeleke zani, mizwale bani. Ha ni yeli ku yo fa mulatu sicaba sani, Ni ya fela kuli ni yo ba kwani mi Ni ka lumeleza kuli lipina lizwelepili, za tukuluho. Ni ka itiisa, ni ñole litaba zaka ka mizuzu ye fifitini, mashumi amabeli, nibulele 'Amen' ni kuya kwa ndu."

Ki hali, "Una ni mukopano nji?"

¹⁹ Se nili, "Eeni, mulatiwa, Nina ni ona; mukopano wa kamita, kufita fa lihola zetalu." Ki sicaba se si nde luli; bana ni tibelei yeñata.

²⁰ Kihande, ha lu inamiseñi litoho zaluna fa nako nyana cwale halunze lu Mu atumela. Cwale, Ni ziba hande kuli mwa nyangela ya sicaba sina cwana baba lumela, mi sihulu . . . Ni bona tumbeta totubeli tubeilwe fa, batu baba kula ni baba tokwile, Na ziba ba na ni likupo ze ipitezi. Ha ki ku kakanya kuli kuna ni babañwi babañata baba na ni likupo. Haiba ku cwalo, ha mu nanule mazoho amina mi ku zibiwe ha u nzo nanula lizoho la hao. Mi cwale mwa tapelo Ni ka lapelela sicaba se fa mimbeta ya sona, halu—halu li mo, kuli lubone hande kuli lwa li utwa. Haiba sesiñwi si ezahala . . . Ne ba bile ni tumelo luli kuli batiswe mwateni mo, Ni bata kuli mina kaufela mu ni lapelele kwatene.

²¹ Ndata luna yakwa Lihalimu, lu beya kwatuko mulelo kaufela, ku kenisa mihupulo ya luna, Mi lu taha Fapila Hao kwa ku keniswa kwa miyojo yaluna. Mi lutisa fapila luna Mali a Mulena Jesu. Lu bulela kuli ha lu swaneli nishaiba mbuyoti ifi kaufela Yo ka lufa, kono bakeñisa kuli Na shwile kuli lukone kuamuhela limbuyoti zee, mi ulu bulelezi kuli lutahe ka bundume fapila Lubona, kuli luna ni kabelo kwa limbuyoti ze kuya ka sishemo sa Mulena luna Jesu, Yana tile mwa lifasi, Emanuele, ni kunga sibaka sa muezalibi. Na tiloba *luna*, oh, kuli lukone kuba *Yena*.

²² Ha ki cinceho ni yeo, Mulena! Bupilo bwa sibi, bo bu libile feela kwa lihele bo lubile nibona, ni kuziba kuli Bwani butile ni kuikungela bupilo bwani ku Yena, ni kutakula libi zaluna ka kusulula Mali a Bupilo bwa Hae Tota. Zeo mane li fitelela mo likona kunahanelia lipilu zaluna, Mulena. Mi cwale, kwanda zeo kaufela, A eza nzila ya ku zwisa sibi saluna ni ku lu folisa ka miupa ya Hae. Lu itumela kuli U sepisize kuli Uka lu babalela halunze lu Mu sebeleza.

²³ Mi cwale busihu bo, Ndate, kuna ni likupo zeñata ze filwe . . . ka mazoho abona ananuhezi mwahalimu. Lu ziba kuli Wena u ka tokomela ifi ni ifi ya zona, ka kuziba se sili mwataso lizoho, mane mwa pilu.

²⁴ Mi Na kupa, Mulena, kuli U hupule Linzwi busihu boo halunze lu Li bala; mi lu kengeyeleye ku Lona kuba tuto nyana, sina ya sikolo sa la Sunda, kuli lukone kuzwa mo busihu boo mi—mi lu be ni se mwahala lipilu zaluna, kuli lu ikutwe kuba bukaufi ni Wena, halu ka zwela fande, kufita mo ne luinezi ha lutaha mwahali. Kona ze lubezi mo, kuli ikone kuba ancafazo mwa naha, lu sa zibi fela fo i ka kalela, kono ka tibelelo lu i libelezi, Mulena. Lu beya kuikataza kwa butu kaufela ko luziba mwa kutiseza ancafazo ye tisa baana ni basali, bashimani ni basizana, kwa zibo ye pilisa ya Kreste.

²⁵ Lu bata kuitumela ku Wena ka keleke ye, ka mulisana wa yona yomunde ni lubasi lwa hae, ni kwa madikoni kaufela, basepahali, ni bona kaufela baba yemelwa mo. Lu itumela ku Wena ka bani baba bundume ka kuyema kwatuko. Mi,

Mulena, lu lapela fela kuli limbuyoti za Mulimu li lule kubona. Fuyola kuikataza kaufela. Se cwale ibe sibaka, Mulena, koo misindi kaufela ya kwanu ikona kutaha ni kufumana pumulo. Lumeleza cwalo, Ndate. Litapelo za mulisana li alabiwe za lapelela bakuli. Litapelo za hae li alabiwe za piliso, kaufela ba ba kena mwahali—mwa sibaka mo kufita Evangeli. Mi limbuyoti za Hao li be fahalimwa hae. Mi cwale keleke isike ya ba isina mpo ya moyo, se kwateni ibe sibaka, keleke ye ka ba mutala kwa silaland kaufela. Akupete cwalo, Mulena.

²⁶ Cwale, Ndate, fa tumbeta totuli fa busihu cwana, ku na ni baba sa koni kuina ni kuikola mukopano, ki bona baba sina kolo yee. Mi ba kubukani mo ka nzila yeñwi, busihu cwana. O Mulimu, ube ni makeke! Ni nahana kuli, “Kucwani kambe yani ki musala ka kamba muzwale, kamba mutu usili ya na li muhaesu, ye Ni ziba handende?” Ki mutu wa batu, mi Na lapela, Ndate, kuli sishemo sa Mulimu, ni mata a Hae, litahe ka tukuluho ye Pahami kubona busihu boo, ni ku ba lamulela fa tumbeta too. Basike ba ba mwa tumbeta too nhanyinyani kufita mukopano wo busihu cwana. Mi, ha ba ka zwa, tumbeta ni bulobalo li si yale kwa mulaho. Mi mata, a na zusize Jesu kwa bafu, a fe mata mwa mibili yabona kuba ni buiketo bo bu petehile ni mata hape. Lumeleza cwalo, Ndata luna. Cwale, lu ziba kuli u sepisize kueza cwalo.

²⁷ Kabakaleo, ku ñozwi mwa Mañolo kuli, “Lisupo se li ka ba latelela baba lumela. Ha ba ka beya mazoho fa bakuli, ba ka foliswa.”

²⁸ Cwale, Ndate, kuli ku si ke kwa ba ni yomukana mwa libaka zabona, foo babañwi bakona kufumana babañwi, Ni ka zamaya ka ku kuteka taelo ye. Mi, Mulimu, Ni ka kulubela kuba ni liñolo le lizwa kubona, kuli ku ezizwe, kakuli Ni ya ka Libizo la Jesu Kreste.

²⁹ [Muzwale Branham uzwa fa kata la ka mizuzu yemilalu ni licika ku lapelela bani fa tumbeta, manzwi a hae ha utwiwi—Mu.]

Mulena, Na lumela, O Mulena, Na lumela,
Lika kaufela za konahala, Mulena, Na lumela;
Mulena, Na lumela, Mulena, Na lumela,
Lika kaufela za konahala, Mulena, Na lumela.

³⁰ Ka kuba kuli bubeli bwa likalibe ba bile ni litombo, kansa ku yomuñwi, mi, Na kona kufa bupaki nyana boo, haiba Ni lukela kupemela kuambola kwa ka fahali. Ni si ka zwa fela kwa ndu, taba ya mafelelezo yene Ni bile ni yona ni si ka funduka kale, yani kwateni ne li taba luli ye ipitezi, nekuna ni kalibe mi libizo la hae ki Dyer; neli yena, Ni libezi libizo la hae cwale. Neli Muituti Ya zwile mwa Louisville. Neli James, Dokota James Dyer, ya kona hahulu kupazula litombo, ni zeñwi cwalo, mwa Lousville.

³¹ Mwana hae wa musizana na lizanga piano mwa keleke ya ba Open Door, yeo Dokota Cauble ali mulisana wa yona; neli fela, oh, yetuna, muyaho o mutuna wa Sijuda wa milapelo. Mi muuna yani kasibili neli wa Church of Christ, kopano ya Church of Christ, mi a fetulwa kwa kulumela evangeli ya ba Evangeli yetezi, ki muuna yomunde luli. Mi na lizanga mwa mukopano waka hane Ni bile ni ona mwa Lousville, kwa Memorial Auditorium. Mi na komokile kubona se si ezahalile, ni kulika ku bulelala bondatahe ka zona.

³² Ki hali, “Ki za mihipupo feela. Sicaba sani ki bakuli fela ka mo bakona kubela.” Mi kacwalo—kacwalo na si ka Li lumela.

³³ Mi kwa mafelelezo a zwa mwa keleke, a nyalwa ku mushimani wa kwa sikhwata sa sikolo sa ba Baptist, mi kwa maungulo a ba kwahule ni tumelo ya hae. Na lutilwe ku ba mukutazi, mi sina ba Baptist mo ba ezezanga cwalo. Mi kacwalo bona . . . Mafelelezo a ba kwahule, na sa tabeli ku kutaza. Mi ba ya kwa sicaba sa hae kwa Rockford, Illinois.

³⁴ Mafelelezo musali, Jean, akala kuba ni butata bwa sisali. A ya ku bo ndatahe kwa tatubo, a kutela kwa Louisville kwa tatubo. Mi, ha na ezize cwalo, ba fumana nto yebizwa “sitombo sa chokuleti,” seo cwale si fumaneha mwa lilama za basali. Kuzwisa sani, bondatahe, ka kupazuliwa ko kutuna, mi kubonahala kuli na hasanyelize siemba sa—sa sitombo sani mwahali kuyena. Mi mafelelezo . . . Mi ba mu fa X-ray yetuna ni—ni ni kalafo.

³⁵ Mi kacwalo fani ha ba . . . ha kutela kwa hae, mi azwelapili ku ba ni butata.

³⁶ Mwendi kasamulaho wa silimo cwalo ba ku kutisa kwa tatubo yeñwi, mi ne bana ni kupazula siemba tuna kuzwisa zwalo. Mi ka kueza cwalo, bondatahe ni Dokota Humes, ya li alimuñwi wa madokota ba ba tuna ba kwa Mboela, bene ba pazula, mi neli kwahule luli, kansa ne se ikeni kale mane ni kwa mala. Kona kuli ba mutuhela ni ku mu siya fa nako nyana. Mi a lika likalafo za X-ray hape, mi ba bona kuli ne li si ka mu tusa ne ba hanyinyani, kacwalo ba mu kutisa fela kwa sipatela ku yo . . . Ne ba si ka mu fa neba mulyani wa ku hamula mala kuli zeli mwateni lizwe, kacwalo ba lika ku mu tapisa ka mwa mala ka ku pompa. Mi sani neli kuli mezi na sa keni mwa mala neba hanyinyani.

³⁷ Kacwalo he muuna hae neli alimuñwi wa ba ba ni lwanisa luli. Mi kacwalo kwa nalulelule zazi leliñwi kwani a nga buka ni kukala ku ibala. (Mi mwana ke fa wa mushimani ni Muzwale Sothmann, ki alimuñwi wa basepahali, babaliteni mo kokuñwi.) Mi na lobezi fela fa munyako wa keleke, kiñi, mwendi ka mazazi a likani cwalo, kufitela . . . Ne—Ne ni li kwahule mwa mukopano. Ha ni kuta Na—Na yo mubona musali yani. Mi a ni bulelala, ali,

“Cwale, ha zibi kuli u na ni kansa.” Ali, “Zamaya fela u ambole ni yena ni ku mu lapelela.”

³⁸ Mi cwale ha Ni mubona, ki hali, “Muzwale Branham,” ki hali, “muuna ka u ka amuhela foliso ya Bumulimu,” ali, “kakuli Ne ni si ka munga kuli atalime ku iliñwi ya libuka, cwale usweli ni ku balela likepe mwa mulaho wa likepe zazi ni zazi, ku iliñwi ya libuka.”

³⁹ Mi se Nili, “Na utwisisa cwalo, Jean.” Mi se Nili, “Cwale, Jean, ha lu amboleñi ni kubona sa ka bulela Mulena.” Hakuna neba yomukana mwa muzuzu, nasi yani u zwezi fande. Mi kacwalo lwa ambola fa nako nyana, mi kasamulaho nyana kwa taha pono. Na . . . U na ni myaha ye mashumi amane cwalo, kono ha si ka panya limbi, kono na sa hulile kuli abe ni limbi. Na li, “Jean, cwale, u so bile mwa mikopano.”

“Eeni, Muzwale Branham.”

⁴⁰ Na li, “Ba li patezi wena, mi ba bulezi kuli ni si ke na bulela sika ka sona, kono u na ni kansa.” Mi se Nili, “Bo ndataho ni . . . Kamba bo muuna hao baize, ‘U si ke wa bulela sika ka sona.’ Kono u na ni kansa, Jean. Kono, cwale, Ni bata ku kubulelala, kakuli u bile mwa mikopano. Pono ha i si ka bulela buhata fateni. Cwale Ni ka ku bulelala, Jean, kikuli SA BULELA MULENA KISONA! Mwabona?” Mwabona?

⁴¹ Cwale, u lukela ku ba ni niti ya seo, mwabona, kuli yani . . . ki Mulena. Isiñi kutabisa; mwa bona *cwalo*. Mwabona?

Mi cwale se Nili, “U ka pila. Ba ka . . . Yena . . .”

⁴² Ki hali, “Muzwale Branham, Ne ni akaleza ona cwalo nako ye kaufela.” Mi ki hali, “Ka kuhulela mwa lapa ni bondate bene ba li bo dokota,” ali, “Ni—Ni—Ni bile ni akaleza kuli ki cwalo.” Ali, “Ne ni hupulanga ona cwalo ka nako ye kaufela, kuli kona fela mo ne kuinezi.” Lwa lapela.

⁴³ Habusa, zazi le li tatama kuzwa fani, ne ba muisa kwa kupazuliwa lila kuzwela fande. Zeo ki, mwa ziba, ba puma lila ni kubela ka kotana kwatuko mi kipeto mukuli uitusisa fela . . . kufitela a shwa, kansa kipeto ya mu bulaya kwa nalulelule, kuzwiseza lila fande mwa mupila cwalo. Mi ha ne ba se ba mu lukisize fela, mi ba tatubile kale ku si yezi fela kupazuliwa fa tafulé, a i kutwa kushutana luli. Mi ba . . . a biza nasi kuli atahé ku to mu tusa mwa—mwa sitapelo. Mi, ha na tile, na na kwlauhile hande ka swanelo. Mi yena—yena muuha hae na palezwi fela ku libala zateni. Mi zazi la bublei. . . Ne ba si ka muisa kwani. Zazi le bubeli, handende, kasamulaho fela wa mukushuko, ku kwaluha kokuñwi. Kacwalo ki ha . . .

⁴⁴ Dokota wa hae a biza. Mwahala kushikauka ni kulila, ki hali, “Ha ni utwisisi fela, mane hakuna ze lufumani kwa lisupo zateni ni hanyinyani. Li iile.”

⁴⁵ Cwale, cwale, likezeli zaka zende, Hanina libaka la kuyema fa ka kuba mutanga wa Kreste ni ku bulela nto yefosahalile, kakuli Ni ka atulwa ka lizazi lani, ni kuba ya ka yundiswa, sina muipi.

⁴⁶ Cwale, ni Linzwi la Mulimu le li kwaluhile, Ne ni si ka lapelela Jean hape mi ka kusepahala ha ku shutani ni mo Ni lapelezi mina, mwabona. Lwa zamaya fela ka mota kufitelela sibaka sani, ka kuziba kuli tapelo ya tumelo i lapezwi. Ao kona mafelelezo ona foo. Linzwi la Mulimu libulezi cwalo, mwabona, "Tapelo ya tumelo i ka pilisa ya kula."

⁴⁷ Cwale, yena Mulimu yaswana ya na folisize mwana musizana wa Dokota Dyer, yeli yena Jean... Ha ni zibi libizo la hae cwale. Kono muuna yani luli sa amuhezi Evangelii yetezi. Kutazo ya mafelelezo kwa keleke, kwanu nainzi ona mo inza ikungela yona kaufela, inza ca mulalelo ni luna, ni lika zeñwi kaufela, muituti wa Baptist ya na tilr ku Mulena kwa kolobezo ya Moya o Kenile. Cwale, si bonisa fela kuli Mulimu u si yala ali Mulimu.

⁴⁸ Mi dokota, yena ndatahe, muuna ya lateha, kono na si kabona fela kale taba yecwalo fateni i ezahala.

⁴⁹ Cwale, Mulimu una ni nako ya lika kaufela. Mi kuzwa kwa kulumela, mu balumeli bubeli bwa mina kaufela. Kacwalo he linako zeñwi lika ze liezahalelanga kwa bunde. Mwa ziba, Bibele ibulezi kuli, "Li belekela hamoho kwa kutisa bunde."

⁵⁰ Cwale, mwa hupula Jobo, miliko ya hae kaufela? Cwale, yani ne si Mulimu ya na shapa Jobo, kono neli Mulimu ya na tomahanya mutanga Hae. Kacwalo za beleka kaufela kwa bunde, mwa bona. Mi cwale Buka ya Jobo ne i ñolezwi masika kaufela, ka kuba bupaki. Cwale, kusebeza kwa Mulimu ki kwa bunde.

⁵¹ Muhupule fela, Ni lapezi, ka pilu yaka kaufela, tapelo ya tumelo. Mu lumele cwalo, mi ona foo, ku kaba ona cwalo, ao akaba mafelelezo a taba, fela—fela mulibelete ze ka tatama.

⁵² Cwale, kuli lukene hande mwa—mwa liñusa, (babañata ba yemi), liñusa nyana la manzibwana.

⁵³ Mi—mi muhupule fela cwale, kwani kwa—kwa Ramada, ku yoba babuleli babande luli kwa Ramada mwa mukopano ka nako ye, Baana ba Pisini, kacwalo muna...kwani kwa Ramada. Kacwalo mubone kuli mu ka lika kufumaneha kwa mukopano wo. Muzwale Oral Roberts u ka yo ba kwani mwa busihu bwa mukopano.

⁵⁴ Mi, cwale, Na ni wa siemba nyana sa Tucson, Ni ka yo fumaneha kwa Tucson. Luna ni ulimuñwi kulo kwani, hape, la Mubulo yetaha busihu, kona kuli haiba mu ka ba kwani, kihande, mu be kulo kwani hape. Mi mu kaba ni...mwa kona kuitiisa nyana ni na, kakuli Ni lukela ku yo kutaza kwateni. Kacwalo mu tahe haiba mukona la Bubeli le litaha le...la

Mubulo le litaha busihu ikaba kwa Ramada Motel, fa Ramada Inn, kwa Tucson. Mi, eni sha, kaufela lu ziba kuli Phoenix ki matakanyani fela a kuzwa mwa Tucson. Kaufela lwa ziba cwalo, mwa bona, kacwalo—kacwalo mutahe mu to bona mo ba pilela batu ba mwa malundu.

⁵⁵ Cwale ha lu apuleñi mwa Libibele zaluna ku Zakaria 14, kauhanyo ya 6 ni ya 7, Ni bata kubala kwa... kuzwisa mwaterni taba ye Ni bata kunga.

*Mi mwa lizazi leo lizazi ha li na ku benya, mi linaleli
ha li na ku bonisa liseli:*

*Kono ikaba lizazi le li fapani ni amañwi le li zibwa ki
MULENA, ha ku na ku ba musihali, kamba busihu: kono
ka swalala, liseli li ka ba teni.*

⁵⁶ Cwale Ni lakaza kunga fateni yeli, *Mulumiwa Wa Manzibwana*, ku ba mu...ku ba tuto: *Mulumiwa Wa Manzibwana*. Enisha, lwakona kuba ni balumiwa ka lizazi kaufela, mi ku bile balumiwa mwa lizazi le kaufela bao Abulezi, kono kuna ni Liñusa le li taha. Mi lu bata kutalima ku seo busihu boo sina sikolo sa la Sunda, lu ambole fateni hanyinyani.

⁵⁷ Cwale, luna kaufela lwa ziba za na bulela Zakaria fa, kakuli na ize, “Ku ka taha lizazi le li ka zibiwa ki Mulena, haina kuba musihali kamba busihu; kono ka nako ya manzibwana ku kaba Liseli.” Cwale, haiba lu ziba kuli ne si musihali kamba manzibwana, ne i kaba mufuta wa—wa—wa lizazi la mbundu, inge puka cwalo.

⁵⁸ Mi kaufela lu ziba kuli zwelopili i zamaile kuzwa kwa upa ku ya kwa wiko. Zwelopili ya kalekale ye luna ni neli kwa China. Mi zwelopili i zamaile kuzwa kwa upa ku ya kwa wiko, kakuli li latelezi lizazi, mi cwale lubile ni yona kuzwelela koo kwa Likamba la Wiko. Haiba lu ya kwahule, lu ka kutela kwa Upa hape, mwabona. Kacwalo lu kwa mafelelezo a nzila.

⁵⁹ Lu lumela, sina Keleke, kuli Evangelii kona i felelela feela. Lu lumela kuli balumiwa ba batuna mwahala masika ba bile cwalo, mwa mazazi a maungulo aa, myaha nyana ye mianda yefitile, i lwanezi litaba tuna zee; kubeiwa ya lukile ka tumelo, Luther; kukeniswa, ka Wesley; kolobezo ya Moya o Kenile, ka Mapentekota. Lu lumela kuli libyana zeo kona ze kwaniseleza mibili, sina wa nama ni wa moya.

⁶⁰ Mbututu ha pepwa hande, nto yapili ki ifi? Nto yapili yezwanga, ki mezi; ye tatama, ki mali; mi ye tatama, ki bupilo.

⁶¹ Joani Wapili 5:7 ili, “Kuna ni zetaalu ze pakelana mwa Lihalimu, ki Ndate, ki Linzwi, ni Moya o Kenile: mi zetaalu ze ki nto iliñwi.” Ki nto Iliñwi; ha u koni kuba ni Ndate kusina ku ba ni Mwana, ha u koni ku ba ni Mwana kusina ku ba ni Moya o Kenile. Mwabona, ki nto Iliñwi. “Kono ku na ni zetaalu ze pakelana mwa lifasi, ki mezi, ni mali, ni Moya: mi zeo li

lumelelana mwa nto iliñwi.” Ha ki nto iliñwi, kono za *lumelelana* ku iliñwi. Mwabona?

⁶² Cwale, wakona ku beiwa ya lukile kusina ku ba ya kenisizwe; wakona ku keniswa kusina ku ba ni Moya o Kenile. Mwabona? Moya o Kenile ki kupila kwa mata a Pata ya Kreste, mwa Moya. Cwale, lubona kuli za nama li swanisisa ku za moya, kona kuli Keleke i ma mutalele wa kuhula kwayona cwale: kuluka, kukeniswa, kolobezo ya Moya o Kenile. Kona lu sa zo fita fela mwa Masika a Likeleke Zesupa, kwa lapa, ka kuitaipa handende.

⁶³ Mi, nibulele cwana, kana ku na ni yakile autwa matepu ani ka za masika a likeleke? Fa nako yefelile Ne ni na ni masika ani inza swanisizwe fa limati lelinsu, mi Ndate wa Lihalimu u ziba kuli yeo ki niti, ha Ne ni ifelile ka swanelo mo ne Ni konela hande, mwatasasa tozo ya na ni file Mulimu, Lingeloi la Mulena lani le mubona mwa siswaniso (babañata ba boni siswaniso sani, nji cwani, Liseli lani?), Ne li tile handendende mwa muzuzu, mwendi fapila batu baba kuma fa myaha yemilalu kamba yemine, la ya kwa neku leliñwi la limota (sina Liseli cwalo) ni kuswanisa masika a likeleke ani Lona kasibili. Kaufela lwa yema fani inge lu Li talimela, lwa Li buha inge liswanisa lusika lwa keleke, la bubeli, la bulalu, ni la bune, la buketalizoho, la busilezi, ni la busupa.

⁶⁴ Cwale, kuna ni batu babaliteni mo babali lipaki za zeo. Mu nanule mazoho a mina haiba ku cwalo. Bibebe ibulezi kuli, “Mwa milomo ya lipaki zepeli kamba zetalu.”

⁶⁵ Kaufela ya inzi fa, inza huwa ni lika kaufela, Na li, “Kileo! Cwale, mu batile ku Li bona, mutu kaufela wa Li talimela.” Ilebene kiloko mwa musihali, inge liyemi ona fa limota fani, ni kuswanisa masika ani fateni, ka Moya otezi luli, mi cwale lififi libonisa kuli Moya no zwezi fande ni kufita mwa Lusika lwa Lififi ni kutahafafasi hape, ona cwalo fela mo ne Ni swaniselize zateni. Mi lwa ba ni zona, maswaniso a sona, ni lika kaufela za swaniswa, inge li nyendaela fa limota. Mi nelili fani ona cwalo fela. Ilukela kuba kuli Moya wa Mulena no katelwa kuli sani si felelele, kakuli Na kutile ku to nyatela kuli ne li lukile.

⁶⁶ Mi lupila mwa Lusika lwa Keleke ya Laodesia, lusika lwa keleke ye fumile ye nahana kuli hakuna se ba tokilwe, mi ha ba zibi kuli ba mapunu, ki baelwa, ki libofou; mi ha ba zibi, mwabona. Cwale, zeo kaufela, litaipilwe.

⁶⁷ Cwale, lona lizazi leliswana le li monyeha mwa... le li pazulela kwa Upa ki lona leliswana le li likelela kwa Wiko. Cwale, ha lu yemeñi fela hanyinyani fa muzuzu kuli lukalise mutomo wa liñusa le. Lu ziba kuli lizazi, yeo ki l-i-z-a-z-i, la mwa halimu lani. Kono haili M-w-a-n-a wa Mulimu na tulukile, mwa bukabali bwa Mulimu ni Liseli la Mulimu, kwa Upa. Mi lubile ni lilimo ze likiti zepeli cwale, kuya ka mwa balela Mulena,

Na ize, “Ku kaba nako ye si ke kuba musihali kamba busihu, ikaba fela mufuta wa lizazi la mbundu cwalo; kono ka nako ya manzibwana ku ka ba Liseli.”

⁶⁸ Cwale, haiba mu lemuha, Moya o Kenile wa wela fa sicaba sa ba kwa Upa pili. Mi lubile ni nako ya kuikopanya fela kwa keleke ni kungelwa fa ni fa, ni lika zeñwi za kulwanela. Kono he ka nako ya manzibwana, kwa neku la Wiko, ku ka ba Liseli. Mi luteni ka nako ye cwale! Zwelopili itile sina mwandala kuzwelela kwa Upa, kunga sibi, ka nako kaufela ha ne sinze si taha, kmi ifitile kwa Likamba la Wiko muhuwo wa mulumo, mi li kutezi kwa mulaho, mi sibaka se si maswe hahulu se Ni ziba ki kwa Likamba la Wiko. Kaufela se mubata ku nahana fateni, bana ni sona, sibi, bulyangelino, litelekano, kunyalwa, Hollywood, ona musima tuna wa lihele! Yeo ki niti luli.

⁶⁹ Ni lumela mwa kukena Bibebe. Mi ha Ni lumeli mwa sinyeho ye ni kubola ko kubeilwe sina mutala papila sicaba sa luna, se si bizwa Hollywood. Mi Ni bile ni lilwanisa kamita. Mi Ni sepa kuli mutu ya na ni Moya wa Mulimu ku yena ukona kulwanisa zeo, kakuli Moya wa Mulimu wakona ku paka cwalo kuli “ku fosahalile” ku yena.

⁷⁰ Cwale Ni sepa yeo ki iliñwi ya . . . Ne lu yanga kwa Paris ku yo nga lipupe ze li mapunu kuli lu bone bahame baluna, cwale Paris itahanga kwangu ku to nga za luna. Mwabona? Hollywood i etelela lifasi. Mi mutinelo wa mapunu o lunani kacenu, kwabuse bwa France (kunahana fela ka zona!), munwelo wani, kulwana, libaka za butanya, mi ibo Hollywood ifitela zeo kwahule ni hali kopani.

⁷¹ Mi za mazimumwangala a luna kaufela, ni lika kaufela ze ba nani ku ona ze si ka sefiwa, lisheha la masila, ni sinyeho ye bolile, ki kucapwaela fela mwa lika kaufela. Mi sicaba, diabulosi . . . Ne ba sa lu lumelezi kuisa bana baluna kwa—kwa kubuha maswaniso myaha ya kwa mulaho, luna Mapentekota bapili, kono cwale diabulosi u kenyize iliñwi mwatensi mwa ndu ku luna. Mwa bona? Kacwalo na tisize fela siswaniso ku si bonisa hande.

⁷² Cwale, mi ki—ki nto luli ye—ye sabisa luli ku—ku nahana kuli lifasi li se libile mwa kubola ko ku cwana, kakuli ona bunoi kaufela, bo mubona, mi libile fela ka buñata ka nzila ye, litahile ni zwelopili.

⁷³ Kono ka nako kaufela . . . Ni ka kutaza leliñwi la mazazi aa, haiba Mulena alata, mwa mazazi a likani, fa *Ku Unguka*. Mwa ziba, Na—Na sepa mu sweli mwa potoloha, mi kacwalo luna—luna fela lubona fani se si ezahala. Mulimu ukonile kueza nto yeñwi ni Keleke ya Hae, hape, ka nako kaufela, mwa bona, lika ze ha li sweli kuezahala. Mi cwale lu kwa maungulo a nako, ni lumba Mulena!

⁷⁴ Lusika kaufela lu bi le ni liñusa la lona ni mulumiwa. Mulimu uboni kuli kube cwalo. Kaufela . . . Neba mwa masika a

likeleke, lu fumana cwana kuli lufi ni lufi ne lu na ni mulumiwa, mi ufi ni ufi na pila mwa lusika lwa hae; mi yomuñwi a taha mwateni, mi yani a ikela; ni yomuñwi a taha mwateni; kutaha cwalofafasi mane kwa lusika lwa busebene; naleli ifi ni ifi, lingeloi lifi ni lifi la keleke, mulumiwa ufi ni ufi.

⁷⁵ Mi lu fumana cwana kuli, kwa lusika lwa keleke ya mafelelezo, mwani mwa Sinulo 10, ku lukela kuba mulumo wa tolombita, mi ne ku na ni manzwi a sebene a na utwahalile kwa... Na si ka lumelezwka kuñola. Kono na swaezwi kwa mulaho wa Buka, maswayo a sebene na li kwa mulaho wa Buka. Kasamulaho Buka kuñolwa, kipeto I swailwe kwa mulaho kwani ka maswayo a supa. Cwale, hakuna ya ziba seo ali sona. Kono Ni iize, “Mwa mazazi a lingeloi a lingeloi la busupa ha li ka utwahalisa Liñusa la hae,” leo ki lingeloi la *lifasi*, cwale.

⁷⁶ Kakuli Lingeloi *le* ne li tile kuzwa kwa Lihalimu; mi *le* neli la mwa lifasi; *lingeloi* ki “mulumiwa,” kwa lusika lwatjeni.

⁷⁷ Mi cwale lu lemuha kuli U beya wa Hae...nana ni nambwamutalati fa toho ya Hae mi a nanula lizoho la Hae mi akonga ka Yena ya pila kamita ni mita, kuli hakusana tiyeho (kanti manzwi a sebene aa a na utwahalile, mishika ye sebene ya utwisa kwa manzwi ayona). Mi A ba bulelela ali, “Musike mwa ñola, kono mu Li swaye.” Mi lu fumani kuli ne li kwa mulaho wa Buka.

⁷⁸ “Kono lingeloi la busebene ha ne lifelile Liñusa la lona, kupolofita kwa hae kwa lizazi le, kona kuli kunutu ya Mulimu i swanelu ku fezwa,” mañi ni mañi ya ziba Bibele uziba ona cwalo. “Kunutu ya Mulimu, seo Mulimu ali sona, Yo Mulimu ali yena, ni kuya ka nzila kaufela ku kena mwa kolobezo ni lika zeñwi, zeo li lukela kufezwa kaufela mwa lizazi lani.”

⁷⁹ Mulumiwa ufi ni ufi ya bile ni liñusa la hae, mi—mi liñusa ni mulumiwa wa lusika lwatjeni. Mi ki lika ze ipitezi kuli mulumiwa ufi ni ufi... Mane lu fumani mwa masika a likeleke (mi busihu bo lu ka kutela kwa Testamente Ya Kale ni kufumana kuli ki nto yeswana) kuli Mulimu uluma mulumiwa wa lusika lwani kwa mafelelezo a nako; kamita ibanga kwa mafelelezo, kwa li kuba ku be kwa makalelo. Ki kwa mafelelezo!

⁸⁰ Cwale, sina lusika lwa Luther ha ne lu felile, mi lwa Wesley lwa taha mwateni. Mi cwale lwa Wesley lwa za kukeniswa ha lu to fela, lusika lwa Mapentekota lwa taha mwateni. Mwabona? Hañata mulumiwa ki yena ya kwalulanga liñusa kwa mafelelezo a lwa kale. Kona lusika lufi ni lufi mo lu ezelize. Lu ziba kuli yeo kona niti.

⁸¹ Taba ye i kutakezwi ka nako kaufela mwa Bibele. Lu fumana kuli mwa Mañolo a kenile, kushetumuka cwalo hande, zeo ki kwa mafelelezo fela a lusika lwa kale mi lo lunca lwa taha mwateni, lusika lwani ha lu fela mi kutaha lusika lo lunca mwateni, Mulimu ulumanga mulumiwa.

⁸² Mi sina kamita—kamita, nako kaufela mulumiwa ha taha, kamita ibanga pizo ya ku kutela kwa Linzwi, ha i palelwangi. Muhupule, Ye kona sinulo ye kwanelezi ya Jesu Kreste, ha ku koni kuba se si ekezwa ku Yona kamba kuzwiswa ku Yona. Ki sinulo yetezi ya Jesu Kreste. Mi nzila fela yelukona ku ikolwisia ka yona: haiba sika kaufela si taha mwahala luna se si shutani kwa sinulo ye, si fosahalile. Mwabona? “Kitimela kapili kwa Linzwi!” Mi kamita ubizezwa kukuta.

⁸³ Mi ma taba kaufela ya Mañolo, taba kaufela, Mulimu u itusisa mupolofita kuli abizeze lusika lwani kukuta, kamita. Mi hakun... Batili, hakuna neba nako iliñwi fo lipalezwi, Yena kamita ulumanga mu—mu mupolofita! Mi cwale kiñi Za ezeza cwalo? Libaka ki kuli Bibele iize, “Ki mupolofita yoo Linzwi la Mulimu litahanga ku yena,” yena musinuli wa Linzwi.

⁸⁴ Cwale, Ni—Ni—Ni sepa kuli ha mu palelwi ku ni utwisisa. Mwabona? Ha ni bati kuli mutokwe ku ni utwisisa, kono Ni talusa ku ba ya na ni niti mi ya sepahala kwa pizo. Lu bata kuba cwalo.

⁸⁵ Cwale, Mulimu kamita u itusisanga mu—mu mupolofita, yali mutu. Haiba mu ka itusisa sikuwata sa batu, mu ka ba ni milelo yeshutana; mwabona, mutu ni mutu, batu baabeli. Kwali ku ba Abe ni bapolofita ba ba beli fa lifasi ka nako iliñwi. Ubanga ni alimuñwi, kuli yomuñwi ange sibaka sa yomuñwi sa lizazi lisili, liñusa lisili. Ha bangi ni bababeli, Ubanga ni alimuñwi ka nako yateni.

⁸⁶ Mi Mulimu ya sa feli ha cinci mulelo wa Hae, kamita Una ni ku ba ni sa Na kalile kamita. Leo kona libaka ha lu na ni sepo ku sa Na bulezzi, Ha koni ku cinca. Haiba Na pilisize mutu ka mayemo a tumelo ya hae ku Mulimu, mutu yatatama u ka tokwa kupiliswa ka nzila yeswana.

⁸⁷ Mi Mulimu ha na ezize sibaka ko Na kona kukopana ni sibupiwa sa Hae, Adama alika ku ikezeza nzila ili yena, ni kuikezeza matali a feiga a hae ni musala hae, kuli ibe liapalo. Mulimu a li hana. Mi Mulimu a bata mulelo kamba mayemo Ana ka kopana ni mutu ni kuba ni kopano ni yena, mi ali neli mali a suluhile. Mi Ha si ka li cinca kale.

⁸⁸ Cwale, ka kuba wa Methodist ku wa Baptist, Iwakona kuswalana mwa mazoho. Kono ka mayemo ali mwahala Methodist ni Baptist haluna ze lu tamahani ni zona, Ni hohela kwa neku la ba Baptist mi wena u hohela neku la ba Methodist, kamba kushutanisa cwalo. Kono ku na ni mayemo alimañwi foo balumeli ba kona ku kopanela, mayemo ao ki mwatasia a Mali a suluhile. Kwani kona ko lu kona ni kubeya lika kaufela kватуко. Kacwalo ha lukoni kutaha kaufela luna mwa kopano iliñwi, halukoni kueza cwalo.

⁸⁹ Likopano ze nyinyani ze, Ni sepa kuli Mulimu u bile ku zona, lika kaufela. Kono sicaba... kakuli lwa shutana. Muu ni

muuna ubona ka kushutana, mutu ni mutu u bona ka kushutana, milelo ye mibeli ha ikoni kuba yeswana handende. Hakuna batu bababeli baba swana handende, ba bulela; hakuna lingo zepeli, hakuna minwana yeswana. Mwabona, lu bupilwe ka kushutana, kuli lukone kuba ni likwata ze shutani.

⁹⁰ Kono Mulimu kamita u beleka ni mutu alimuñwi. Ha ku pilisi kaku u wa Methodist; Ha ku pilisi kaku u wa Baptist; Ha ku pilisi kakuli u wa Pentekota. U kupilisa kakuli U talimani ni *wena* ka butu bwa hao! Mi u piliswa ka mayemo ona ao, kuli u li amuhezi. Kifohe kabakaleo, Mulimu, kuli atalimane ni wena, Ha talimani ni wena ka mukwa wa keleke ya Hae, u talimana ni wena ka buwena.

⁹¹ Kabakaleo Mulimu ha na luma bapolofita ba Hae, linumwana za Hae za Testamente, Na bulezi ku mutu alimuñwi, mi mutu yani nana ni kutisa Liñusa. Babañwi ba kauhana ni yena, kai ni kai, inge a tisa Liñusa le liswana. Kono ne kuna ni kuba nkambe iliñwi yetuna. Mulimu ubile ni yona kamita. Ni itumela kuli Una ni yona busihu boo; wani kona Moya o Kenile, eni sha, kaufela lwa ziba. Cwale, ha ki sikwata sesiñwi, kono Moya o Kenile kona Nkambe ya Mulimu. Yani ki yena Mulumiwa wa Mulimu wa nako yateni.

⁹² Cwale, kakuli zeo kwateni, ki ku mupolofita ko ku taha Linzwi kamita, haiba ki mupolofita wa niti wa Linzwi, Mulimu uyemela Linzwi la Hae ka mupolofita yoo.

⁹³ Cwale, kubile bapolofita ba buhata babañata, lu bile ni bona mwahala masika kaufela. Lu kutele kwa Testamente ya Kale, lu ba bona ha ba taha ni kubulela ka Libizo la Mulena, mi ne li—nesi za niti. Mulimu na sa bi ni sa kueza ka zona. Hakuna za yemelanga kwanda Linzwi la Hae Tota. Nihakuli cwalo, Ha koni kueza musebezi wa Hae sina cwalo. Mwabona?

⁹⁴ Muhupule fela, Mulimu u yemelanga fela Linzwi la Hae! Mi ki mupolofita wa niti kiyena... Mi nzila fela yo kona ku ziba kuli ki wa niti kamba nee, ki ka Linzwi. Yani kona nzila ya ku mu atula ka yona.

⁹⁵ Cwale haiba mu lemuha, sina mwa mazazi fani—fani Mikaya, ne ku yemi bapolofita baba mianda yemine, fapila Akabe ni Jehoshafati, mi ki hali, “SA BULELA MULENA KISONA, ‘Kambama mi ku konde ku wena.’” Kuya ka mulao ne ba bulela niti. Mi Mikaya a bizwa kuli atahe, yena ye ne ba toile kaufela. Cwale, ne ku bonahala inge haiba... Mianda yemine (Ha—Ha ni talusi bapolofita ba Baalim) Bapolofita ba Maheberu ne ba inzi mwa buñwi, mi bali, “Kambama u ye kwa Ramoti-giliadi, Mulena u ka ku fuyola mi u ka kondisa.” Mi baana bani ne si baipi, ne ba susumelizwe luli! Kono zabona . . .

⁹⁶ Cwale kiñi mutangana yo za na ka tela wa libizo la—la Mikaya, ya na li mwana Imila, ni kutaha ku to polofita ze shutani ku bona? Cwale, sani sa ezahala ka bundume, ne si bile ni

buikolwiso. Mwabona? Kono na zibile cwani kuli na bulela niti? Haiba no ka yema kwani, no ka li ziba cwani? Mo kona fela ku li ezeza, ki kuamuhela sa bulela muuna yani ni ku si bapanya kwa Linzwi. Mwabona? Cwale, Mikaya na yemi hande ni Linzwi, kakuli Elia, mupolofita yomutuna yana na ni Linzwi la Mulena, na kutile fela Akabe ni Jezabele ni bani kaufela. Mwabona? Mi cwale Mulimu na ka sikuluha cwani ni ku fuyola sika se si lwezi sikuto? Mwabona, konakuli ne li si ka beleka fela.

⁹⁷ Cwale, lu fumana cwana kuli Mulimu u yemela Linzwi la Hae. Linzwi la mupolofita, haiba ki mupolofita, mi ki . . . u bulela kuya ka Linzwi. Bibele ne i bulezi mwa sibaka silisiñwi, kuli, “Ha ba sa buleli kuya ka mulao ni ka bapolofita, hakuna Liseli ku bona.” Konakuli kubiza . . . Konakuli mulumiwa yo u bizza baba Bizelizwe kwande. U lukile ka Linzwi la Mulimu, u bonisa kuli u bulela niti.

Mulemuhe, mulemuhe, cwale lu ka biza batu babalikani ni kuteeleza.

⁹⁸ Nuwe na li paki ya Mulimu kwa nako ya maungulo mwa linako za muunda. Cwale, mutualime taba ye mo ibezi ye shutana ku ba lifasi la linako za muunda. Kiñi, muuna yani na talimwa ku ba mutu ya takana. Kiñi, yena . . . Kono, ibo, nana ni Linzwi la Mulena handende. Cwale, Mulimu na bulezi kuli Ha “koni ku yemela sibi,” kacwalo Yena . . . sicaba ha si kala kueza sibi, mi Mulimu wa shetumuka mi Nuwe akutaza liñusa la nako ya maungulo. Neli lili kana? Nako ya maungulo i si ka fita fela kale, mulumiwa yoo a taha. Mulimu a luma mupolofita wa hae wa nako ya maungulo. Mi a sehiwa, aboniwa bukuba, a eziwa lisheha, mi kwanda sicaba fela sa bandu ya hae kona ba na pilisize. Yeo ki niti. Hakuna ya na mu lumela. Kono nana ni liñusa la nako ya maungulo. Cwale, kaufela babane ba si ka lumela ba bulawa, mi bona babane ba lumezi liñusa ba piliswa. Mulimu abafa Bupilo mi ba piliswa, mi babane ba si ka Li lumela ba yunda.

⁹⁹ Cwale, Ni sweli ku swanisia nto yeñwi. Mulemuhe Mulimu, mwa ezelize nto ye ka linako zetalu.

¹⁰⁰ Mi bulalu ki nombolo ye petehile ya Mulimu. Mulimu u petahala ku zetalu, sina, “Ndate, Mwana, ni Moya o Kenile,” ni “kuluka, kukeniswa, kolobezo ya Moya o Kenile.” U petehile, kakuli *bulalu* ki “kupetahala kwa Hae.” *Faifi* ki nombolo ya “sishemo.” Sebene ki . . . Nombolo ya “milapelo,” *twelufu*. *Fote* ki nombolo ya—ya “manyando.” Mi *mashumi aketalizoho* ki “tukuluho,” milapelo. “Pentekota” italusia *mashumi aketalizoho*. Mi, mazazi a *mashumi amane* Mushe a likiwa, mazazi a *mashumi amane* Kreste a likiwa, mwa bona. Mi ona mufuta wani kaufela. Cwale, Mulimu u petehile mwa bulalu.

¹⁰¹ Kuna ni lisinyeho zetalu. Iliñwi ya zona, ki fani Nuwe ha *kena* mwa areka; kano yabubeli, Lota ha *zwa* mwa—

mwa Sodoma. Mutualime, Jesu na swanisize ku bona, “Ka mo ne kuinezi mwa mazazi a Nuwe ni mwa mazazi a Lota, ki mo ku ka bela ha taha Mwana mutu.” Mutualime! Alimuñwi *akena*, yomuñwi *azwa*, mi yomuñwi aya *mwahalimu*. Uh-huh. Mwabona? Uh-huh. Kukena *mwahali*, kuzwela *fande*, kungelwa *mwahalimu!* Cwale, wani kona muzamao wa Mulena. Mwabona, Jesu na swanisize kubona bapolofita bababeli bani. “Mo ne kuinezi mwa mazazi a Nuwe,” mwabona, “ni mo ne kuinezi mwa mazazi a Lota,” Abrahama ka kuba mupolofita, “mo ne kuinezi, kona mo ku ka bela kwa kutaha kwa Mwana mutu.” Mwabona, ku swanisisa ku bona.

¹⁰² Cwale, Mushe, mupolofita yomuñwi, kwa mafelelezo a lusika lwa Maegepita. Lu fumana kuli Mulimu ha na ka lamulela sicaba sa Hae, mi Maegepita ne ba ba nyandisize hahulu, ni ku ba beya bazamaisi ba batanga, bazamaisi fahalimwa bona, nitaluse. Mi he sinyeho yabona i si ka fita kale, Mulimu sina kamita, A luma mupolofita ni Linzwi la Mulena. Muhupule, mupolofita na swanisisa handende seo Mulimu ka (ka myaha ye mianda anda ya lilimo kwa mulaho wa sani, myaha ye mianda yemine ni yeñwi cwalo ku si kaba kale zeo) na sepisize Abrahama, kuli peu ya hae i ka yambaela mwa naha ya kwahule, kono U kaba lamulela ka lizoho le li mata. Mwa ziba, kwa sicacani se si tuna mulilo fani Mushe ha katana Mulimu, mi ki hali ku yena, “Ni utwile sitongo sa sicaba sa Ka, Ni boni kunyanda kwa sona, mi Ni hupuzi bulikani bwa Ka.” Muhupule Linzwi la Hae!

¹⁰³ Muhupule, U sa hupula Linzwi la Hae! Mwabona? Ha palelwi, U swanelia kueza nto yeswana ka nako ye swana. Libaka le ni bulelela lika ze, ki kuli lukone ku li beya mwa mihipulo ya mina ni kunahana fateni. Neba mina sicaba baba bile mu kula; mu lemuhiile Ni bulezi kuli “baba bile” mu kula.

¹⁰⁴ Cwale, mulemuhe cwale, mina sicaba kaufela mu swanela kuhupulanga se, kuli Mulimu hakoni ku cinca! Yena ki Mulimu ya sa cinci. Linako za cinca, batu ba cinca. Mulimu yena ha feli, Hakoni ku cinca! Zahae... U na ni kusiyala ya swana, maabani, kacenu, kuyakuile, Yena una ni kuba ona cwalo kamita. Mi haiba lu lumela Se ku ba Linzwi la Mulimu, Iwakona kutoma sepo yaluna fa sika kaufela Sa bulezi. Mwabona?

¹⁰⁵ Cwale, mwabona foo liñusa la Hae mo li tahela, ka Mwa lumela liñusa la Hae. Hakoni ku cinca sani, Yena kamita u li ezize cwalo. Una ni kba ya swana kamita. Cwalo kona Mwa ezezanga kamita. Cwale, muhupule, ki lili Fa li ezeza? Bukaufi fela ni sinyeho, kwa mafelelezo a lusika. Fani kona Fa lumelanga liñusa la Hae kwa kubiza sicaba sa Hae kuzwa, (kamita ba ba lyanganisanga), mi ko bao ba taha.

¹⁰⁶ Cwale, mwa mazazi a Mushe, balumeli ne ba pilisizwe, baba sa lumeli ne ba shwile.

¹⁰⁷ Yena yana lumezi liñusa la Mushe kuzwa ku Mulimu, cwale, ne ba si ke baeza sika kwanda kuli Mushe abe ya pakilwe ki Mulimu ni kubonisa kuli Linzwi la Mulimu nelili ni yena. Sani ne si mu eza kuba mupolofita. Naile kwani mi ali, "Kamuso, ka yona nako ye, muka bona sa *kuli-ni-kuli* ha si ezahala." Kamuso, ne li ezahalile. Ani neli mafelelezo. Mupolofita wa niti kaufela wa Mulimu ya bulela ka Libizo la Mulena uka li eza. "Mi ku ka to ezahala kuli za *kuli-ni-kuli* lika ezahala. Ni ya ku Faro, kono uka tatafaza, una ni pilu ye tata. Uka bulela kuli uka lu lumeleza kuya kono hakoni kueza cwalo." Mi, se li to ezahala. Mwabona? Kiñi? Mi sicaba sa ziba kuli muuna yo na lumilwe ki Mulimu. Mi cwale bakala kubona kuli Mulimu na mu fuyozi, mi ba mu talima mi, hane ba ezize cwalo, lika zetuna za ezahala.

¹⁰⁸ Mi sicaba sene si seha ni ku soma ni kuhana ku amuhela liñusa la hae, ne ba yundezi hamoho ni baba sa lumeli kaufela.

¹⁰⁹ Kono balumeli ba zwela kwande mi ba yo kena mwa naha ya sepiso, ba ya mwatasa liñusa leli tozizwe la mulumiwa. Neli liñusa la tukuluho, leo Mulimu na sepisize kuli Uka tisa sicaba sa Hae kwa naha ye buba mabisi ni linosi. Mi kwa ezahala, kakuli Mulimu na sa bulezi kale cwalo, mi Mushe ataha mi na pakilwe sina mulumiwa wa lizazi lani.

Cwale, sani si li tisa patalaza ku luna.

¹¹⁰ Ku lukile, mi lu fumana kuli Mushe na pakilwe hande ka swanelo.

¹¹¹ Mi cwale ka kucinca kwa lusika, nako ya taha...mwahala mulao ni sishemo. Nekuna ni kutaha nako yakuli Mesia ya bulezwi yo a tahe. Lu fumana cwana kuli sicaba ha ne si lyanganisize mulao, sa li eza kuba sikwata tuna sa nto isili, mi neba nani mifuta kaufela ya—ya lizo za batu, ye ne ba ikenyize ku yona. Ka kucinca kwa nako kwa taha Jesu, Mupolofita yomuñwi, Mupolofita yali Mulimu.

Cwale, mu li, "Na si mupolofita."

¹¹² Bibebe ibulezi kuli Nali cwalo. "Mulena Mulimu wa mina u ka zusa Mupolofita ya swana sina na." Nali Mupolofita yali Mulimu, ka nako ya kucinca kwa nako mwahala mulao ni sishemo, kakuli Na bulezi ka myaha ye kaufela. Kasamulaho Amano fa mulao ku Mushe, mi ka nako ya kucinca kwa nako, ha Na bulezi kuli li ka ezahala, kona kuli Ū kutela kwa sishemo. Mi A luma Mupolofita ka ku polofita ka nako. Cwale—cwale, balumeli, Na ba kopanyize; baba sa lumeli ba shwela mwa lizazi la Hae. Kaufela bene ba lumela ku Yena ne ba pilisizwe; kaufela bene ba sa lumeli kuli liñusa la Hae ba yundiswa.

¹¹³ Ona zeo kona ze ne ezahalile mwa mazazi a Nuwe; kona ze ne ezahalile mwa mazazi a Lota; kona ze ne ezahalile mwa mazazi amañwi, mazazi a Mushe; kona ze ne ezahalile mwa mazazi a Jesu Kreste. Kakuli ne ba nyefula liñusa ni ku yunda, mi bani bene ba lumela liñusa ba lateha...kamba ne ba pilisizwe.

¹¹⁴ Cwale, cwale, kona kutaha lusika lwa keleke mwateri. Ne lu pila kwa mulaho mwa nako ya Nuwe, nako ya muunda; lu taha mwa kalulo ya mulao; mi mwa kalulo ya sishemo, yona keleke. Mi cwale nako ya keleke ya fela. Kaufela lwa ziba cwalo.

¹¹⁵ Cwale, haiba Mulimu na ezize sa *kuli-ni-kuli* mwa kalulo yani, mwa masika amabeli ani, Una ni kusiyala ya swana mi abe ya swana mwa kalulo ye, kakuli Na bulezzi kuli Uka eza cwalo. Ni ka li bonisa mwa mizuzu yelikani, ka Linzwi, kuli Na bulezzi kuli Uka li eza. Cwale, Hakoni kucinca tukiso ya Hae, Ki Mulimu. Mulemuhe sa Na ezize mwa masika ani.

¹¹⁶ Cwale lu taha kwa nako ya maungulo a lusika lwa keleke. Zeo kona ze Ni balile busihu boo:

Ku kaba Liseli mwa nako ya manzibwana.

¹¹⁷ Lubile ni nako yeñata ya mbundu, kono ku ka taha Liseli. Yena Mwana ya swana ya na tile ni kucinca kalulo ya nako linako zani, wa taha hape! Ki yena ya ka zwa mwa lifasi ku ya kwa Kanya. Lu ka kena ku zona. Nako yeñwi lwa kena *mawahali*, nako yeñwi lwa *zwa*, mi ka nako ye lu ya *mawahalimu*! Mwabona? Ku lukile: mwahali, fande, mwahalimu. Lu taha kwa nako ya maungulo. Mi ha lu tahi fela, se lufitile kale. Lu kwa nako ya maungulo!

¹¹⁸ Ki sikamañi sa fumana Mulimu mwa nako ya maungulo ye? Mulimu u fumana mwa nako ya maungulo ye ona cwalo fela za Na fumani mwa linako za maungulo, ku sa lumela! Yena ubile cwalo kamita, Yena, ha Sa tile, Yena—Yena u fumana ku sa lumela. U fumana kuli tukiso ya Na beile fa sicaba . . .

¹¹⁹ Kwa mulaho kwani mwa nako ya Nuwe, haiba ne ba ka pila kasamulaho wa litaelo za Hae, ne ba fa litabelo . . . Ba zwa khawule ni zona. Ha Na tile, Na fumani se, yona nto yani inge i beleka ka mafosisa.

¹²⁰ Taba yeswana ki ya Na ezize ha Na tile mwa lifasi, Na fumani sicaba ni Bafarisi, ni babañwi cwalo, kasamulaho wa mulao. Ki sikamañi se ne basweli kueza? Ne ba sina fela busepahali ku zona ni hanyinyani, neli kuya fela ni ku kena mwateri mwa nzila ya kale, mi “Tbile fela ne ba ikopanya kwa keleke, mi kona fela ze ne ba tokwa.” Mi sani kona sa Na fumani.

¹²¹ Mi saeo kona Sa fumani hape! U fumana nto yeswana, sicaba ha si cinci. Kacwalo haiba Na lumile tukiso ya Hae mi sicaba sa hana ku lumela kwani mi haiba ne si shwa, be ne ba lumela ne ba pila, (cwale, kuzepeli zeo), ina ni kuba nto yeswana ni kwa nako ye. I na ni kuba nto yeswana. Batili . . .

¹²² Kamita ki ndwa kuli mulumiwa a kauhanye za kale ku ze nca. Kamita ibile ndwa ye cwalo, kuli—kuli mulumiwa atahe ni ku to kauhanya zakale ku zenca, nihaike nge kuli liñusa kamita li na ni kuba la Mañolo, cwale, kakuli lufi ni lufi lwa ona lu bulezwi kale ka lo ne lutatama.

¹²³ Cwale, ha lungeni, ka mutala, Jesu. Mo ne kubezi tata, Yena a taha ni ku cinca liñusa kuzwa kwa mulao kutaha mwa sishemo. Ibo Bibele ibulezi kuli ne li ka taha ka nzila ona yeo, “Ku ka taha me—me Mesia, mi sitabelo sa zazi si ka feliswa.” Mi lu ziba kuli ne ku polofitilwe ka bapolofita. Ha ki nto kwa butuna ni yeo ku Yena kuli aeze cwalo. Kono lu fumana kuli Na ezize cwalo. Mi yena . . . Na ezize cwalo kakuli Mañolo naize, mi balumeli ba lizazi lani (mo lukona ku ba bizeza) kaniti ne ba si ke ba Mu lumela.

¹²⁴ Mutualime Bafarisi bani, Basaduki, ne ba na ni lizo za bona ni hakuna ya na ka ba zwisa kuzona. Kona se ne ba lumela, maa bona na lumela seo ndata bona ba lumela sani, mi kuku wa bona wa muuna, kuku wa musali na lumela cwalo, mi “Mushe a bulezi cwalo!” Kono yena Mushe yaswana ya na file mulao neli yena Mushe ya swana ya na bulezi kuli Mucaha yo u ka taha, mi ba palelwa ku li lemuha kakuli ne ba na ni Linzwi la Mulimu mwa lizoho mi ne ba zwile kwa mulao wa luli wa Teñi. Mi ne li na ni kuba ka nzila ona yeo.

¹²⁵ Mulemuhe, ufi ni ufi na bulezi kale ze ne ka taha. Ufi ni ufi wa balumiwa, kuya ka liñusa, li bulezwi kale neli kuli uka taha. Cwale, kono haili sicaba kamita singanga liñusa la lizazi lateni le ba bile ni lona, ba li futula.

¹²⁶ Ha lu li shetumuneñi,fafasi nyana kuli li utwahale, ha lu talimeñi Luther. Mi Luther ha na kutilize za kubeiwa ya lukile ka tumelo, na li mulumiwa, lingeloi la lusika lwa keleke yani, ku lukile, la Lusika lwa Keleke ya Sardisi. Cwale, mulemuhe, ha na kutilize, atoma ma Lutheran ka mulao. Cwale, he, ki yo Luther a ya inza hasanya mwa na konela. Mi cwale Wesley ha taha, Lusika lwa Keleke ya Filadelfia, ni liñusa la kukeniswa, kiñi, nekuli tata kuli Luther abone cwalo. Ma Lutheran bani ne ba sa lumeli.

¹²⁷ Mi cwale Wesley ha yo ba inisa mwa Pilgrim Holiness ni Free Methodist, ni zeñwi cwalo, ka za kukeniswa, mi kwa nalule lule kwa taha liñusa la Mapentekota, kiñi, ne kuli tata kuli Methodist a lumele cwalo. Uh-huh, luli, neli tata. Mwabona, kakuli ki . . .

¹²⁸ Ibo yo ubulela ka yomuñwi, kuya ka mubulelelo wa Mañolo. Enoke na bulezi ka za sinyeho ye ne taha, ka kungelwa kwa hae, Mulimu a mungela kwa hae; na li paki. Abrahama na ba bulelezi za Mushe. Mi Mushe na bulezi ka za Mesia. Mwabona, ba zwelapili kubulela, yo ku yomuñwi. Mesia na bulezi za nako ye, abulela se ne si ka ezahala!

Mu li, “Ah, Muzwale Branham!”

¹²⁹ Oh, ehe, Na bulezi! Kifo halu . . . Nina ni Mañolo amañata a ñozwi kulo fa, mi Ni ka swanisisa ku amabeli kamba amalalu a ona. Ha lungeñi Mateu 24. Cwale ha lu ngeni Mateu, kauhanyo ya 24, ni kubala sa Na bulezi mwateni se si ka nga sibaka, ka mo “Linaha ne li ka zuhela kulwanisa naha yeñwi.” Kono,

muhupule, he U ya kwani mi U bulela kuli, "Sina mo ne kunezi mwa mazazi a Nuwe, mi sina mo ne kuinezi mwa mazazi a Lota, kona mo ku ka inela ni kwa kutaha kwa Mwana mutu." Na li bulezi kale, Na akalelize kuli lika zeo li ka ezahala!

¹³⁰ Na ize, "Cwale, ze kaufela ha ne liezahala, nako ne i si ka taha kale," ni zeñwi cwalo. Kono ali, "Muitute nguli ya kota ya feiga, ha i shoshela ni kutubula matali, mi ni likota zeñwi kaufela, kipeto mu ziba kuli mbumbi i sutelezi. Ona cwalo, ha mu ka bona zeo li ezahala, muzibe kuli nako i fakaufo, mane fa munyako." Cwale, ha mu bona sikamañi? Kota ya feiga itubula matali, ni likota zeñwi kaufela litubula matali a zona, ne li sisupo. Mi Isilale kamita i bile kota ya feiga.

¹³¹ Joele mane na polifitile za yona, "Se si siilwe ki nziye, si cilwe ki sisheñi ni kushetumuna taba yateni cwalo. Kono Mulimuna sepisize, 'Ni ka kutiseza, kubulela Mulena.'" Mi U ka eza cwalo. Kono A si ka kutiseza kale zeo mwa buino bwa moyo, Keleke ya Bamacaba ina ni kungiwa izwe fateni. Hakoni kuba ni bababeli ba bona ka nako yeswana. Cwale, hamukoni ku bondolola Mañolo ka mukwa o cwalo. Mwabona? Ali kuba abe ni lipaki zepeli ka nako yeswana, lipaki zetuna kutokwa, mi Ali kuba abe ni—ni Ali kuba . . . Ha bangi ni Likeleke zepeli ka nako yeswana.

¹³² Mulemuhe, ki . . . Keleke ya Bamacaba ina ni kuzwisa kwateni pili, kwa Majuda, kipeto mafelelezo a Lisunda ze Sebente za Daniele ze ezahala. Lilimo zetalu ni hafu za na polofitile Mesia, mi ki Ha bulaiwa, Mulena, mwahala biki ya busebente. Mi, he, ku na ni lisunda zetalu ni hafu ze sa siyezi. Mi lu fumana bapolofita bababeli ba Sinulo (Yena ha cincangi sapalo sa Hae hape), ba Sinulo 11, ba taha mi ba to polifita kwa Majuda. Cwale, Keleke i kabe i ngilwe ka nako yeo.

¹³³ Mi lubona Isilaele, nako yapili ka myaha ye mianda anda cwalo, mwendi i ba to likana likiti zepeli, mi cwale se ibile naha; mpi ya yona luli, mali a yona luli. Isilaele u mwa mubu wa habo; naha ya hae sakata, ndembela ya hae, ifumaneha hamoho ni ba United Nations. Se ili naha cwale! Kiñi, ki iliñwi ya lisupo zetuna hahulu zelukona ku nahana fateni, ona fa cwale, Isilaele u mwa mubu wa habo. Mi Jesu naize, "Lusika lo lu bona Isilaele akutela mwa mubu wa habo ha luna ku felelela kaufela kufitela kamukana li talelezwa." Mwabona, Na bulezi za lizazi lee.

¹³⁴ Halu boneñi fela ni fe yeñwi. Mwa Timotea Wabubeli 3, na bulezi za keleke kwa nako ya maungulo, ali, "ba kaba baitumbaeti, ba ba inuneki, ba balata hahulu minyaka kufita kulata Mulimu." Mkunga lifasi la keleke, hahulu, "ba balata hahulu minyaka kufita kulata Mulimu," kuina kwa ndu ni kubuha tukiso ya fa wayalesi ya mazimumwangala ba si ka ya kale kwa mukopano wa Labulalu busihu.

Mu li, "Bao ki ba Baptist."

¹³⁵ Bao ki Mapentekota! Luli! Eni, sha. Oh! “Bainuneki, baikumusi, ba balata hahulu minyaka”; kubeya Linzwi kuba hande mwataswa ngo yabona, habana kutilima ku Lona. Uh-huh. “Ba balata hahulu minyaka kufita kulata Mulimu”, kubulelela basali kuli ha ba lukeli kukuta milili yabona, ba i kutya nihakuli cwalo. Uh-huh. “Ba bala hahulu minyaka kufita kulata Mulimu, ba ba loba tumelelo, ba ba tameleza batu za buhata, ba basina buiswalo, ni ba ba seba batu babande. Kuba ni . . .”

Mu li, “Bao ki ba ba sa zibi za bulapeli.” Batili! Batili!

¹³⁶ “Ku ba ni mufuta wa bulapeli, kono se si eza Mata ateñi ba si latula,” Mata akona ku ku lukulula kwa kuzumiwa ko, mulao wa lifasi la kacenu. “. . . Mata ateni; ku baba cwalo mu sabe kwateni.” Musike mwa bilaela ka se ba bulela batu babañwi, ki wena ka kuba unosi fapila Mulimu, una ni ku ikalabela. Hakuna taba ka sa eza musali yo kamba sa eza musali yani, kamba, muuna yo sa eza kamba muuna yani sa eza, kamba, mukutazi yo sa bulela kamba mukutazi yani sa bulela; ki wena ni Mulimu. “Kuba ni mubonahalelo,” ku ya ka sizo, “kono ba latula Mata a bulapeli bwateni; ku ba ba cwalo mu sabe kwateni.” Kana lu pila mwa lizazi leo nji? Luli kona mo lupila!

¹³⁷ Mutualime hape mwa lusika lwa keleke ya maungulo. Moya o Kenile, Jesu Kasibili, “Na Jesu ni luma Lingeloi la Ka ku to paka litaba ze.” Mi Sinulo, kauhanyo ya 3, kubulela ka za lusika loo, Jesu u fa bupaki ka ze ka ezahala mwa mazazi a maungulo, KNa ize, “Keleke i ka ba ye fumule, Laodesia, kuenya,” kukona fela kutulaka tulaka kwa ni kwa ni kuliza lipina ka kuhuwa. Mwabona? Yeo ki niti. Kono ka bupaki ni bupilo bo bu ka ba ka kukena, zeo li kwahule ni zona.

¹³⁸ Ha ni . . . Ha ni koni ku mji utwisa bumaswe kusina tuso, kono Ne ni na ni pono haki kale hahulu ya kuba mwa Paradaisi ya Mulimu. Hani koni ku mi bulela Niti. Mulimu, lutuse luna bakutazi kuli lu bange baba sepahala mwa litaba ze ni kubulelanga Niti!

¹³⁹ Mwabona? “. . . ? . . . kubata . . .” Bibebe ibulezi kuli ku ka ba ona cwalo, kona kuli ku ka ba ona cwalo. Haiba ne li zamaile hande ni Luther, ne li zamaile hande ni . . . mwa Lusika lwa Filadelfia ni Wesley, li na ni ku li bulela ka kupetahala . . . Li li bulezi, mi ku kaba ona cwalo mwa Laodesia.

¹⁴⁰ ““Kufuma, hakuna se ba towile!”” Lwakona kubeya ma bilioni a madollar mwa miyaho, lwakona kubeya lika kaufela—zeo kaufela . . . kuitabisa kwa lifasi, lwakona kuyaha likeleke zende luli. Zeo ki zende, hakuna, zeo ki zende luli.

¹⁴¹ Kono Ni lika kubulela cwana, mi cwale Liñusa ha li kala ku ba taseza, ha ba ku lati. “U sikuba fela poto ya mwandala! U mufitelezi wa tumelo! No swale kupila myaha ye mianda yemashumi aketalizoho kwa mulaho.” Mwabona? Oh, wa kona kunahana kuli, “Ha ni koni ku ba ni mulisana ya cwalo.” Ki

mulisana wa hao, ona cwalo! Jezabele na si ke ku lumela kuli Elia ne li mulisana wa hae, kono luli na li yena. Na li ona cwalo kuyena. Na lumilwe, kuba mutala, mulumiwa kwa naha ya Isilaele. Mi kacenu Moya o Kenile o munde wa Linzwi la Mulimu ki yena Mulumiwa kwa keleke, kuli u ba beye hande mwa nzila ni ku ba kutiseza kwa Linzwi. Lu bulela za Teni, kono hakuna muzamao ulimuñwi o mubona. Uh-huh, mwabona, lubanga ni lika zeo ka kulyanga.

¹⁴² Ne ni utwile yomuñwi, inge mwa bupaki, ya na li, “‘Amu Munanule,’ mu ka Mu nanula cwani?” Mi, oh, ki kuba fela ni milao lao! Yomuñwoi uli, “‘Mutone mi mulapele,’ zeo litalusa kuli liito leliñwi litone ha u sweli kulapela, inge usweli ku kemauna ni leliñwi. ‘Mutone mi mulapele.’” (Kiñi, *kutona* kutalusa “kutonela kutaha kwa Mulena,” ni kuba mwa litapelo.) Mwabona, ki kufetula fela lika.

¹⁴³ Kabakalelo, ku zeo, kiñi ze lueza? Lu ba ni iszo nyana sa luna bañi (mi cwale haiba . . .) kamba ki Mulimu ya li lukisa kamba nee. Mi luzwela kwande, taba yapili mwa ziba, lu ba ni sikhata nyana se si lu latelela, ni ku ikambusa ili bona kwa mubili tenyene wa keleke. Yeo ki niti. Mwa sibaka sa kutaha ni kulapela ni ku talima butata ku bufeza hande, ni kulumeleza mubili kuzwelapili kuzamaya, lueza lika zeo kamba li lumelelizwe kamba nee. Haiba u na ni Niti, kipeto u ine ni Niti. Yeo luli ki niti. Kono ha i be Niti ya Bibebe pili! Mulemuhe, ki ka . . . lusika lwa Laodesia loo.

¹⁴⁴ Mi bapolofita, uh, Moya o Kenile ubulea ka Paulusi, o no li yena Mesia. Ne si Paulusi, ne li Kreste! “Mulimu, ka linako za ikale ni ka mikwa yemiñata na bulela kwa bashemi ka bapolofita, mwa lizazi la maungulo le ubulezi ka Jesu Kreste,” Maheberu 1, mulemuhe, Moya o Kenile, Kreste, Evangelie ye tomile ku Kreste, Linzwi le li tomile ku Kreste. Mi haiba Ki ku Kreste fo li tomile, mi se li pakilwe- . . . Mulimu uka Li kapa kuba Niti.

¹⁴⁵ Kona libaka mina sicaba sa Mapentekota ha mu amhezi Moya o Kenile mwa tumelo ya ba Method- . . . sifateho sa kukeniswa kwa ba Methodist, kakuli no li hande ni Linzwi.

¹⁴⁶ Kona libaka mina ba Methodist ha mu keniswa fani ba Lutheran ha ne ba sa lumeli ku zona, ne muli mwa Linzwi.

¹⁴⁷ Kona mona ba Lutheran ha ne mu pilisizwe, kubeiwa baba lukile, kakuli mulumiwa wa mina na katalize ka za kubeiwa baba lukile, ni ku keleke ya ba Katolika ye neli mutai o zwile kusili. Ne ba lumela fela mwa keleke; mwa kutela kwa Bibebe, mane mwa nga niti ya Bibebe ni ku iswalelela.

¹⁴⁸ Mi cwale kwa nalule-lule kwa taha Wesley ni niti yeñwi, mi a swalelela ku yona; kasamulaho kwa taha Pentekota ni niti, mi a kumalela ku yona; mi haiba mukona ku swalelela ku yona

ni kubona se sili niti, kiñi ka mu si ke kunga taba kaufela ni kupatalaza se sili niti? Ku si lumela kaufela!

¹⁴⁹ Cwale, ha lu ka bona balumiwa baa, lu ka ba ziba. Lu bona Kreste, yena Mupolofita wa Mulimu luli inza bulela lika ze sa taha kuli li ezahale mwa mazazi a maungulo. Ki sikamañi se si ezahala? Ki kuzibahalisa nako ya simela. Ki kuzibahalisa nako yeo simela si ka ba ni ku kutuliwa, ze ka ba mwa mazazi a maungulo. Mwa bona kana?

¹⁵⁰ Cwale, litaba ze li ka ezahala mwa mazazi a maungulo. Lu ziba mufuta wa simela se lu bata. Lu bata keleke ye ne banga ni Liseli nako yeñwi, ya zwa ku Lona, ya kena mwa bukabali bwa lifasi, kaufela ne li zende fela (kana ku cwalo?), kuba kwahule, kuya ka mukwa wa ka wa bu membala, ni sika kaufela, ni ku si biza kuli Mapentekota, ku kolobeza sika kaufela.

¹⁵¹ Mezi ha pilisi mutu. Si lwala Mali a Jesu Kreste. Hakuna Bupilo mwa mezi. Bupilo bu taha mwa selu ya Mali; silwala ku keniswa kuli ku be ni ku kenisa bupilo bwani, ku to bulaya takazo ya sibi; konakuli Moya o Kenile utaha mwa sibyana se si kenile sani ni ku si beya kwatuko mwa musebezi, sebelezo. Aletare ne i kenisia sibyana, kono haili . . . ki kutazwa kona ko ku i beya mwa sebelezo. Ne li beilwe kwatuko *kwa* sebelezo, cwale lina ni kubeiwa mwa sebelezo. Mi Moya o Kenile ubeya keleke mwa sebelezo. Ne ni tabela pina nyana yani:

Ne ba kopanezi mwa ndu ya fahalimu,
Kaufela inge ba lapela ka Libizo la Hae,
Ba kolobezwa ka Moya o Kenile,
Mi mata a sebelezo a taha;

Eeni. Mi ze siyezi zateni lili:

Sa Na ba ezelize ka lizazi lani
Wa kona ku kuezeza zeswana. (Luli.)

¹⁵² Simela; bapolofita; ne lu yemezi foo ku Kreste. Cwale ha lu kuteleñi kwa mulaho fela hanyinyani.

¹⁵³ Isaya, mupolofita, mwa na pakezi, ku polofita za nako ya maungulo. Ki hali, "Mibili kaufela u ka tala fela litombo za bulalu, tafule ifi kaufela ika tala fela mataza!" Kiñi, muuna ni basali kacenu, ba ca mulalelo, inge bapila ni basali bababeli kamba babalalu, kamba baana bababeli kamba babalalu, (kiniti) mifuta kaufela ya . . . kuzuba makwai, ni lika zani kaufela; kutaha mwa keleke, ku to amuhela mulalelo!

¹⁵⁴ Cwale, Na kona kuya mwatasi nyana kufita fani, kono Ni ka libelela fela fa nako nyana, mwendi ha ha ki swanelo pili. Ni ikutwile fela kuhaniswa hanyinyani ka ze ne Ni bata kubulela. Kono Na . . . Mwakona kubala mwahala mibamba. Mwa ziba se ibulela Bibele, lika ze zibahala ni lika ze si ka lemuhiwa seo lili zona.

¹⁵⁵ Lika ze kaufela ze lubona ha liezahala kwani, mi ni na ha... sayansi ibulela kuli ki... myaha yemine kamba iketalizoho kwa mulaho, "Seli mizuzu yemilalu kufitela mwahala busihu." Isilaele u mwa mubu wa hae. Keleke i mwa Laodesia. Oh, mawi! Ki sikamañi se lu sa bata? Ki butata mañi?

¹⁵⁶ Lu libelezi Liseli la manzibwana. Oh, Ha ni zibi, haiba Li ka taha, haiba ne lu ka Li lemuha? Kamba kikuli Ne li ka tula fahalimwa litoho zaluna sina mo li ezelize mwa masika asili? Ne ba si ka li ziba kufitela ha ne se baile kwahule maswe.

¹⁵⁷ Mwa hupula, batu ba bulapeli bani ki bona bene ba bulaile bapolofita ba ba ne ba lumezwi ku bona. Jesu na bulezzi cwalo. Na ize, "Mina baipi!" Ali, "Mu kabisa mabita a bapolofita, kanti ki bo ndata mina baba ba beile mwateri ni kubasa mabita a bona."

¹⁵⁸ Mutualime fa keleke ya Katolika ya Roma, ku lukisa mabita a Muhalalehi Patrick, ku kabisa libita la—la Joan wa Arc. Ba bulaya musali yani, ni ku mu cisa kuba muloi, kakuli nali wa moyo, kakuli na boni lipono. Ba mu cisa fa musumo, inge muloi. Lilimo ze mianda yemibeli kasamulaho ba kata mubili wa baprisita ni ku ba nepela mwa nuka, kuli ba bake, ka kuziba kuli nali mutanga wa Kreste. Kono, ka lizazi lani, ne ba sa zibi yoo nali yena, fani keleke ha ne nze i fita mwani.

¹⁵⁹ Mi Si ka fita fahalimwa sicaba mi habana ku Si lemuha.

¹⁶⁰ Jesu, ne ba sa zibi kuli Nali Mwana Mulimu kufitela Ashwa ni ku pumbekwa ni kuzuha hape. Kana Pitrosi na si ka ba fa mulatu ka Lizazi la Pentekota? "Mina baana ba mazoho a maswe mungile Mulena wa Bupilo, ni ku Mu bulaya, ne ba Mu bulaile!"

¹⁶¹ Oh, sisupo se si fubelu sa lubya lwa kutaha kwa Hae si bonahalile! Amen! Lu kwa mafelelezo. Amen. Ona sisupo se si fubelu sani si kai ni kai, kai ni kai, "Ichabod," se i ñozwi fateni. Nako ifelile. Nako se ifelile!

¹⁶² Sayansi itile kwa mafelelezo a bona. Yeo ki niti. Ba pangile sika cwale se bakona ku gefula lifasi kaufela, mañi ni mañi u saba yomuñwi. Ba kwa nako ya maungulo.

¹⁶³ Zwelopili, ina ni kubeya sicaba... katangando ka sweli ku kuta kwa mulaho. Batu ha ba sa eza sina batu baba zwezipili. Kikuli mu ka nahana kuli mutu u ka tabela ku tabela kuba lingulunde, ni mahaha ali kuli fwakaa sina *cwana*, makanda a sapalo sa hae inza lepelefa linoka za hae, ha na kuzamaya mwa patelo cwalo? Butali bwa lifasi bo bu taha kasamulaho wa se, haiba nji kuba ni zeñwi za teni, kuisa basizana babanyinyani kwande ba lilimo ze fotini za kupepwa, bani mwa mukwakwa.

¹⁶⁴ Kacenu, mwa motela yaka, ne kuna ni me kwani mane ya sina liapalo za kuapessa sikumisa sa hae, ni muuna hae inza lobezi fani ka mukwa o swana, ni moyo o bata wani. Ba nahana kuli mubili wa bona ki omunde hahulu obana ni ku bonisa cwalo. Kikuli ha mu lemuhi kuli yani ki diabulosi? Yeo ki niti. Kuitubula litino,

konji fela ya takana ki yena ya kona kueza cwalo. Wa mioya kiyena ya kile aeza cwalo kakuli na takani. Mulemuhe! Mi luna ni zeo, kono kuti libizwa kuli “bukwala,” ze bizwa kuli “za kacenu.” Luna lu li biza kuli “Ki diabulosi!” Ni na ni Bibebe ye paka kuli ki diabulosi. Ki kutasezwa kwa diabulosi, kutasezwa ki madimona (isiñi ku katazwa). Kutasezwa, u ku sweli! Yeo kona niti. Mu ba bulelele ka zona? Ba ka luluha. Hakuna ze ba bata kueza ka Sona! Batili, sha. Bana ni milelo ya bona, kakuli mwa ndu ya bona mo ha ba li kalimelangi. Linyawe ka butanya se li lumelezwa mwa likolo ni mwa likeleke, mane ba kutazi ba saba ku halifa ka zona, mane hakuna neba ya hotola fateni.

¹⁶⁵ Ne ni utwile mukutazi zazi leliñwi, yana ize, “Ha ne ba pangile mubala wa ndilu wa fa meto, ni—ni milomo ye fubelu, ne ba eelize lifasi le linde.” Mukutazi wa Evangel, fa katala, uka bulela manzwi a cwalo, utokwa musipili o liba Kalvari. Luli. Yeo luli ki niti, kanti Bibebe ya li nyaza!

¹⁶⁶ Mi sikwata sa Mapentekota sa bulelela kezeli kuli (atahe mwa sibaka, inza lila) kakuli nana ni milili ya hae kwa mulaho wa toho ya hae, ni milili yemitelele, ali, “Taya ya hao ye bulukilwe yakona kupompoloka.” Ali, “U lukela kukuta milili yeo, kakuli Bibebe ibulezi kuli nana ni . . . mwa Isaya, kauhanyo ya 5, neina ni mataya amabeli inge kweli.” Cwale, kana Bibebe ibulela cwani kuli “musali ha eza taba ye sa zibahali,” ha swaneli kupila ni yena ha kutile milili ya hae, u bonisa kuli u shubula toho ya hae, mi ni milili yemitelele . . . ? . . . Kana mukona cwani kueza kuli Bibebe ibulela nto ye cwalo? Kihande, ki butata mañi bobuli ni basali ba Pentekota? Mu boni mazimumwangala amañata hahulu! Mu boni hahulu zeñata za lifasi, mi isiñi Linzwi leliñata la Mulimu le li mi tabisa. Cwale, Bibebe ibulezi ona cwalo. Kona se ibulezi Bibebe. Ha ki na, cwale, yeo ki Bibebe!

¹⁶⁷ Oh, kulata linyawe! Kalibe naize kuna ha ki kale hahulu, Ne ni sweli kuzwelapili cwalo za kutina tuputula twani, ali, “Na—Na itinelanga malukwe.”

¹⁶⁸ Se nili, “Seo si maswe.” Mina . . . Bibebe ibulezi ona cwalo. Hakoni ku cinca.

¹⁶⁹ Mu li, “Yani ki Baptist.” Bani ki ba Pentekota. Ni bulela ku mina. Yeo ki niti. Yeo ki niti.

¹⁷⁰ Kono ki butata mañi? Ki butata mañi? Mutu yomuñwi u tuhelezi likwalo kokuñwi. Mulikana ka wa kale wa mukutazi na bulelanga kuli:

Lu wiselize miambesofafasi, lu wiselize
miambesofafasi,
Lu keshebisizenisibi.
Lu wiselize miambesofafasi, mane nguya zwa
Kono cwale lipuli ne li keni cwani?

¹⁷¹ Ki butata mañi? Ha u wiseza miambesofafasi, miambeso ya Linzwi la Mulimu! Muhupule, neli tukiso ya Mulimu kuli a tiisa Keleke ya Hae ka Linzwi la Hae, kwa simuluho.

¹⁷² Mi cwale Eva ha na nahanile ni kubulela kuli, “Kihande, cwale, kana ha li utwahali kuba hande, Ne ni ka pila fela hande sina bona mo ba . . .?” Ah! Zeo za ba ona cwalo.

¹⁷³ Mi ona zeo kamita libile liezahala. Kona libaka ha na hanisizwe kuba mukutazi. Mwabona, ki kutuhelela fela miambeso kuwelafafasi. Fani kona (foo keleke) mibisi ya yona fo ne i bonahalezi kwande, kwa Pentekota, mi yeo kona mibisi. Hakuna Liñolo la zona. Mwabona? Cwale, ki sikamañi se mueza he? Mu ba ni swalisanoyeswana yene mu nani kwa mulaho kwani mwa Edeni. Mulemuhe, cwale, mi ha lu taha kwa Linzwi, mu bulela ka Lona . . .

¹⁷⁴ Hakuna mutu ya kona ku yemela Sani! Ni swabisa mutu kaufela kuli abulele cwalo. Ne ni kutilize fa *Peu Ya Noha*, babañata luli ne ba bulezwi litaba ka yona. Ni kupile mutu kuli atahe a talimane ni na ka yona. Ha ni si ka mu fumana.

¹⁷⁵ Kwa Chicago ha ki kale hahulu, muna ni matepu, ne ba hupula kuli ne ba ni kwacisize mwa nto yeñwi. Neba na ni Katengo kakatuna ka Bakutazi ba mwa Chicago, Muzwale (Ki sikamañi sani?) Tommy Hicks, Muzwale Carlson naliteni kwani. Mi masihu amabeli kuzwa fani, Mulena a ni zusa busihu, ali, “Zamaya u yeme fa lihaulo lani.” Na ya, mi ne kuna ni liñungwa. Ki hali, “Cwale, bana ni katwa kaka teezwi wena.” Ki hali, “Kwa mukushuko woo, usike wa saba. Zamaya, Ni kaba ni wena.” Cwale, se ki ka Libizo la Mulena. Mwakona ku ba buza mu ikutwele. Liteni fa matepu, ne li bulezwi kale kale: Ali, “Cwale, usike wa saba kuya, kono uyeme,” ali, “Ni ka ba ni wena.”

¹⁷⁶ Mi habusa Na katana Muzwale Carlson, yena toho ya sikuwata kwani, ni Tommy Hicks. Mi A ni bulelela kuli Ni ka kopana ni bona mi ne lu yanga kwa sibaka sesi bizwa kuli “Tolopo ni Naha” kwa mukushuko. Na ina fafasi fani ona cwalo. Se nili, “Muzwale Hicks, wena u muituti wa za bulapeli mi lu ka kopana ni sikuwata sesituna sa bakutazi kwanu, katengo ka bona ka kwa Chicago, kiñi ha u sa yi kuyo ni ambolela kwateren? Ni ku ezelize lika zeñata.” Ne ni sweli fela ku mu lika.

Ki hali, “Oh, Hani koni kueza cwalo, Muzwale Branham.”

¹⁷⁷ Se nili, “Kihande, kiñi ha u sa yi?” Se nili, “Ni ka ku ezeza sika, cwale kiñi ha u sa ni yemeli?”

¹⁷⁸ Ki hali, “Oh, Hani koni kueza cwalo, Muzwale Branham. Ne ba sike ba yemela zeo ba kuzize.”

Muzwale Carlson ali, “Batili, ha ba koni.”

¹⁷⁹ Se nili, “Wa ziba libaka.” Se nili, “Tuhela ni ku bulelele nto yeñwi, kakuli wena, bubeli bwa mina, mu ziba kuli ba na ni puzo ye tomezwi na kuli ba ni swase.” Mi se Nili, “Una ni yona.”

Cwale, se siteni fa tepu. Haiba mubata kuli tepu, lwakona kuba ni yona. Mi mu ziba baana ba kaufela. Kacwalo se Nili, “Busihu bwa maloba, Ne ni boni pono ya kuli ne lu ka ina mo hamoho mi Tommy na ka hana lika ze.” Se nili, “Cwale talima, una . . . una ni sibaka kwa hotela yani se si lifezwi kale.”

“Eeni.”

“Sibaka si lifezwi kale.”

“Eeni,” Muzwale Carlson.

¹⁸⁰ “Kono hamuna ku ya ku sona. Seo kikuli SA BULELA MULENA KISONA!”

“Kiñi?”

¹⁸¹ “Mu ka kena mwa sibaka sesiñwi. Sani ki—sani ki sibaka sa mubala wa butala; lu ka yo kena mwa muzuzu wa mubala o mufubelu. Ni ka ba mwa lilulu; Dokota Mead uka ina kwa silyo saka; mi mukutazi wa mucembel yomunsu yani ni musala hae uka ina kwanu kwa nzohoto,” mo ne ku ka bela fela cwalo. Mi se Nili, “U talimele cwale, taha fela. U boni Mulimu ha folisa bakuli, u Mu boni ha ba mwa ndwa nako yeñwi!” Se nili, “Yena ki yomutuna, ya komokisa.” Se nili, “Mutalime fela lipuzo mi mubone mo li bezi ze kuzize.”

Mi hane lu fitile kwani kakusasana wani . . .

¹⁸² Haiba mubata tepu . . . Jim, una ni yona, kikuli ha u si ka itisa nji? Ona kwanu, ona kwanu, mwakona kuba ni tepu haiba mwa i bata, mwa mukopano.

¹⁸³ Se nili, “Ki sikamañi se mu ni lwaniseza? Ki butata mañi bobuli ni mina balikani?”

¹⁸⁴ Muzwale Carlson ali, “Kihande, Muzwale Branham uni bulelezi mazazi amabeli afitile kuli lukaba ni . . .” Mi ne ba si ka ba ni muyaho wani, ne ba ti lo u kansula. Ne ba si ka ba lumeleza kuba ni ona kakuli sikuwata sesiñwi sa baopeli ne si u lifezi mi ne ba sa zibi kuli ne ba ulifezi kale, mi ne bana ni ku Baana ba Pisini. Mi mu utwile liñusa la yona, Muzwale Williams fa, ni fa, hape. Mi—mi—mi ki hali, “Muzwale Branham u ni bulelezi handende fa na ka ina mutu ni mutu, ni ku ni bulelela handende ze ne ka ezahala.” Ali, “Nto iliñwi,” ali, “Ni . . . buñata bwa luna lwakona ku sa lumelana ni Muzwale Branham fa Liñusa la hae, kono,” ali, “lu ka lumela nto iliñwi, ha sabi ku Li bulela,” kacwalo—kacwalo he ali, “kusina sabo ni Lona.” Ali, “Cwale, ki fo cwale, Muzwale Branham.”

¹⁸⁵ Se nili, “Cwale, lu si ka kalisa kale, Ni bata muuna yomuñwi, fa sika se Ni kile na bulela, kuli ange Bibele yani ni kuyema fa kaufi ni na.” Mi sani neli sikuwata se si kuzize hahulu ku be mukile mwa utwa fateni. Se nili, “Mi, haiba ha mu liyemeli, kona kuli mu zwe kwa mulaho waka! Eeni. Mizwale, Ni tile kwanu ku to kopanya maheta ni mina, kono lu na ni kukutela kwa niti ya Bibele.”

¹⁸⁶ Ali, “Kiñi—kiñi ha u sa tuheli basali bani? Oh, eehe, wena u . . . sicaba si ku lumela kuli u—u muboni wa Mulimu.”

Se nili, “Nali kuba ni bulele cwalo.”

¹⁸⁷ Ki hali, “Kono batu ba lumela cwalo.” Ali, “Kiñi ha u—kiñi ha u sa tiheli fela basali bani?” Ali, “Tuhela ku ba bulelela mo ba lukela ku tinela ni za kukuta milili yabona ni lika ze ba swanela ku itusisa. Kiñi ha u sa ba tuheli fela? Kiñi ha u sa ba lutu mwa ku amuhelela limpo ni—ni kueza sika kwa kanya ya Mulimu?”

¹⁸⁸ Se nili, “Ku konahala cwani kuli Ni ba lute alugebura kanti mane haba zibi ni ABC ya bona?” Yeo ki niti. Mu lukela ku kutela kwa mutomo ku kalisa.

Mulimu, alu utwele makeke cwale. Eeni, sha.

¹⁸⁹ Kiluna ba fa, nako ya maungulo! Liseli le li fubelu fafasi, le li monyeha! Kutaha kwa Mulena ku sutelezi. Eeni, sha. Muteeleze! Liñusa la nako ya maungulo li lukela kukopana ni buino bwa nako ya maungulo. Ko ba keluhile, Liñusa li lukela ku ba kutisa. Kamita, Liñusa la nako ya maungulo li kopana ni buino bwa nako ya maungulo. Mwahala Mañolo kaufela. Li ka eza ka nako ye, ki pizo ya kukutela kwa Linzwi la makalelo. Oh, mawi! Sina balumiwa babañwi mo ne ba ezelize mwa lizazi lani, Liñusa le li ka ba le li swana. Lu sepisizwe cwalo! Mulimu na sepisize cwalo mwa Linzwi la Hae! Malaki 4, ibulezi kuli li ka ezahala, “Ni ku kutisa Tumelo ya bana kwa bashemi.” Li sepisizwe, mi lupila mwa lizazi lani!

¹⁹⁰ Oh, ibile cwalo kamita, nako kaufela, sikhata sa baeteleli kona se si lyanganisanga sicaba. Ha ki batu hañata; ki baeteleli baba ba lyanganisanga. Cwale kifo halu . . .

Mu li, “Oh, Muzwale Branham!”

¹⁹¹ Kihande, cwale, fa muzuzu fela cwale, lu lukela kueza se ka Mañolo. Haiba ha ki Mañolo, konakuli hakuna bunde. Ka manzwi a bona a butali, mwa zamaiso ya bona ye sina susumezo, manzwi a butali bwa lifasi, bona . . . Kiñi, kuna ni bo caziba ba ba kona kutomahanya seo hamoho, kono kana mwa ziba kuli Satani ha na bunangu ku zona, ni yena? Hanili yena, kihande, na si ka taha ku Jesu Kreste kana ni ku Mu fa muhupulo usili, mane ne ba ku Mu balela Mañolo? Na ezize cwalo! Yena ki muika ku zona. Kono Jesu na si ka kanana ni yena, Na ize, “Ku ñozwi, hape! Zwa ku Na, Satani.” Eeni, ku si ka ke bueteleli bo bu si ka susumezwa.

¹⁹² Mutualime ku Kora, mwa mazazi fani Mulimu ha luma Mushe ni liñusa, mi Kora ni Datani ba hupula kuli, ba taha ku Mushe, mi bali, “Cwale, fa muzuzu fela, u i kutwisisa hahulu wena! U nahana kuli ki wena fela licwe linosi fa likamba; licikwi linosi fela mwa simbitela, ki wena fela unosi. Ni ka ku zibisa kuli kuna ni batu babañwi baba kenile, nibona!” Mushe na si ka bulela kuli

ne ba si ka kena. Kono nana ni tumo, nana ni ku i lwala. Mi ba ongaonga sikuwata mi ne si lwanisa Mushe.

¹⁹³ Mi Mulimu amu bulelela kuli, “Zamaya u yeme mwa munyako.” Baana bani ne basweli piza mwa mazoho a bona, mi mwa ziba se ne ika piza yani. Mulimu a kwalula lifasi mi la ba miza. Mi ne ba na ni mulilo kuzwa kwa aletare, ku yona. Mulilo mwa piza, ku ya ka mo ne kuinezi ka mulao, ba palelwa ku lemuha liñusa.

¹⁹⁴ Mulimu ali, “Na ku luma, Mushe, kwateni kwani kuli u eze se. Ubatise kwanu.”

¹⁹⁵ Mwabona, ne ba palezwi kuli lemuha. Mushe nali “ya namile hande” ni bona. Sina Elia mwa na bezi, kwa Sikolo sa Bapolofita, “ku ba ya namile hande,” apila ni Linzwi.

¹⁹⁶ Kona seo mina sicaba sa Mapentekota, mo mu bezi ni kuikaba ku ba bañwi ba lifasi, kunama hande ni Linzwi. Cwale u si ke wa tupwikela hape mwa taba yeswana mo u zwile, usweli ku yembuluka! Usike wa puma ankora ya hao kwa Kalvari. Mu swalelele kwa Linzwi la Mulimu, kakuli “Fahalimwa licwe le Ni ka yaha Keleke ya Ka,” mupile ni Lona.

¹⁹⁷ Cwale, Datani ni bona neba hupula kuli nebali... kwa kona kuba muuna usili. Mwabona, bwani ki butali bwa mutu kulika kubeya milelo ya hae mwa mulelo wa Mulimu. Yeo ki yende. Ngana ya butu ilika kubeya milelo ya bona mwa Linzwi la Mulimu. Halina kubeleka! Halina kubeleka. Ha li si ka beleka fateni mi halina kubeleka ni kamuta.

¹⁹⁸ Mutualime Jesu ha Na yemi fani, ali, “Ki mañi wa mina ya kona ku Ni nyaza ka sibi? Ki mañi wa mina yakona kubonisa kuli ha Ni si ka eza handende sa bulezi Mañolo kuli Ni ka eza? Ni ipapata kuba Mesia. Mi haiba ha Ni ezi misebezi Ya Ndate, konakuli musike, mwa Ni lumela. Kono haiba Ni eza misebezi mi ha mu ni Ni lumeli, mulumele misebezi ye Ni eza, i paka ka za Ka.” Luli. Mi ne ba si ka li lumela, ne ba bata linzila za bona fela.

¹⁹⁹ Ha ba koni kutilusa kueza se ni kuba baba fosa. Ha si talusi kuli... Ha ni lumeli kuli mutu u talusa kueza cwalo. Ni fumana batu babande mwa likeleke za likopano zani. Ni fumana baana ba bande. Kono kuswana sina muituti wa mulao ya na bulela fa silimba, inza ha ni taha kwanu, “Nto yenca, kuli muituti wa za bulapeli ukona kuyema cwani fa kataла, ni kubona linako ze ha li taha, mi litokwe ku mbemusa ya lukile, kuzwa mwa sibi sa lifasi!” Mi muituti wa mulao ha yema ni kubulela cwalo! “Ni ka mo keleke ikona kuitusisa masheleñi a yona fa mifuta ya libaka za kubuhela lifolofolo ni mwa kubapalela, ni libaka zeñwo, mi isi kutusa tukiso ya bahasanyi ba linzwi, kuiseza lifasi Evangelii.”

²⁰⁰ Mi bahasanyi ba linzwi baba shwile tala, basina makatulo kwa mahutu a bona... Haleluya. Kusina kopano ya ku ba yemela, kakuli, mayemo a bona ki a Linzwi la Mulimu. Hakuna se si ba yemela. Muba bize ka sika sesiñwi sa ku ba kutiseza kwa

mulaho kwani, kona kuli ki sikamañi se ba nani foo? Ki sishañata sa milao ya lituto za bulapeli. Mukutazi, wa niti sakata, ni lisupo inge li mu latelela, una ni kuitinga ku musala ya tapiseza libyana kuli afumane tupene nyana. Mulemuhe, ki zeo foo.

²⁰¹ Hakulata habakoni kueza... Kihande, kono ki butata mañi bobuli ni bona? Ki libofu. Jesu na bulezzi cwalo. Muhupule, muhupule, Jesu na bulezzi nto yeswana yeo. Mi ku bonahala inge, kacenu...

²⁰² Cwale amuteeleze, Ni sepa kuli ha Ni lwanisi. Ha mu eza niti musike—musike mwa ikutwa kuli Na nyaziseza. Ni lika fela ku... Na—Na lata... Mi haiba ha mu... Ni—Ni na ni ciseho ya Keleke. Se, bona kaniti ki ba Assembly of God, kamba seo kaufela sili sona, kamba—kamba Ha—Ha ni zibi kuli ki sikamañi. Sikamañi... Hakuna shutano ku na. Ki keleke ya Mulimu. Seo kona se i li sona, Na lumela, ki keleke ya Mulimu. Kihande, cwale, kaufela luna lu lukela kuba cwalo, isiñi kopano ya Mulimu, kono lu lukela kuba Bakreste mwa lipilu. Keleke ya Mulimu ipila mwa mamota, isiñi libizo, ni zeñwi cwalo.

²⁰³ Cwale, kacenu ki zeñata hahulu fa taba yeo, kuli bu membala kona fela zeli butokwa kwa sicaba. Cwale, mutualime ba Baptist neba na ni ancafazo. Oh, babile ni iliñwi. Nebana ni pulelo ka silimo sa '44, "Kuli mlioni hape mwa '44." Mañusa a Billy Graham a zwelapili. Kiñi, luli, aezize nto yetuna. Ba Methodist, ba Baptist, Presbyterian, ibile nto yetuna, kono luna ni sikamañi?

²⁰⁴ Jesu naize kwa Bafarisi kuli, "Mina baeteleli ba libofu muetelela libofu. Mu sila mawate kuli mu fetulele alimuñwi kwa tumelo isili, mi uba mwana wa lihele habeli kufita mwa na belanga sapili ha kalisa." Mi seo kona se lu nani kacenu.

²⁰⁵ Billy Graham, hane Ni ile kwa mukushuko wa hae mwa Louisville, Kentucky, aya kwani, ka buhali sina mubuleli mwa na inezi, mi ali, "Ni ya... Paulusi naize... Ki wo mutala." Ali, "Paulusi naile mwa muleneñi omuñwi mi a kwenula alimuñwi, ha yo kuta kasamulaho wa mwaha aba ni baba mashumi amalalu kuzwa ku alimuñwi yani." Ali, "Na ha ni ya mwa tolopo mi ni sikulula likiti ze mashumishi amalalu, ni ku yo kuta kasamulaho wa silimo mane ha ni fumaní ne ba baba mashumi amalalu." Ki hali, "Ki butata mañi?" Mi se Ni ikumbuta mubonelo wa mubuleli. A supa munwana kwani, mwendi baana baba mianda yemine bene bainzi fani, ki hali, "Ki mina sikuwata sa bakutazi baba londile." Ki hali, "Mina muina mwa ofisi ni mahutu fa tafuli, ni ku lizeza mutu luwaile, ni ku biza mutu kuli atahe mi—mi aikopanye kwa keleke ya henu. Mu lukela ku yo mu potela."

²⁰⁶ Na ina fani, Na hupula kuli, "(O Mulimu!) Wa ziba, Mubuleli Billy, wena u muuna yomutuna. Na ni—Na ni silikanyiso fela. Kono halu bone ni kubuze nto yeñwi." Ni lakaza kuli kambe Ne ni ka sikuluha ni kubulela cwana; kono Ni—Ni—Ni ikumbuta

muzwale waka, ni nahana kuli ki mutanga Mulimu. Kono Ni tabela fela kubulela cwana, “Konakuli, Billy, ki mukutazi wa mufuta mañi ya na bile ni yena Paulusi kuli a latelele alimuñwi wa hae?” Ki sikamañi sene si ezahalile? Paulusi na si ka mu lumeleza fela kunanula lizoho la hae kuba ni keto, na mu isize kwa kolobezo ya Moya o Kenile, a cisa moyo wa hae ka mulilo, mane a palelwa kukuza.

²⁰⁷ Bwani kona butata kacenu, ki bu membala. Eeni. [Hakuna manzwi fa tepu—Mu.] . . . ma membala, batu ba lukela kuba ma membala babañata, litopa zetuna za sikolo sa la Sunda, kulifa mutu mali kuli ya ka ba fetulela batu kuzwa kwa keleke yeñwi ni kutaha ku ya bona, ya na ni babañata. Mwa ziba, boo ki Bufalisi! Mi kona ba kabulela ka kuikuhumusa ka zona, “Ne lu ba fitile biki ye felile la Sunda.” Haiba mu fitile fa sibaka sa kuli mu na ni kuba ni keleke inge papali ya peba ni ka kaze, konakuli seli nako ya kukwala minyako ni kuya kwa mandu.

²⁰⁸ Keleke ya Mulimu ki sibyana se si pila sa Mulimu fa lifasi, se si bonahaza Jesu Kreste. Ni ziba kuli ha Ki taba ye zibahala, hamukoni ku kulubela kuba cwalo. Lu kulubela kuba baba lukile.

²⁰⁹ Kuba ya ikuhumusa ka zona . . . Kono, kana mwa ziba, lilata lelituna ne li si ka bilaeza mupolofita Elia. Na utwile mulilo ni musi u tuka ni ku fuka, ni mishika ni mamonyi, ni mali ni oli, ni lika zeñwi kaufela, ne li si ka mu kataza. Mwa ziba, America ibata fela nto yetuna ka lilata leliñata mwateni. Kono Mulimu ki “Linzwi le lisisani” le li hoha mupolofita.

²¹⁰ Mwa ziba, koloi nako yeñwi ne isweli kushetumuka mwa simu, mi inge i ngungula kwa ni kwa, inge isweli kueza lilata lelituna mwa simu. Mi ha i yo kuta, ne i fita mwa nzila yeswana kusina kueza lilata ni le likana, ne i longilwe hande ni lika zende. Mwabona? Eehe.

²¹¹ Kono lu yendeka kutwisiso ya luna fa sikwata sa lilata. Kana lukona kueza cwani zeo? Lukona kueza cwani lika zeo? Oh, mawi! Mi kipeto ni kuswala mubonahaelo wa lika zende za Hollywood mwateni, ba beya musali fa katala, ni litino fa mubili ze kakatela kuomelela kukama hande ni kubonahala fela ka butanya, inza binela mwa moyo. Hani zibi kuli ki moyo wa mufuta mañi!

²¹² Ha ni talusi kuba ya lwanisa cwale, Na—Nimu—Nimu . . . Na—Na mi lata. Haiba ha Ni ezi cwalo, konakuli Mulimu uka ni atula haiba Nina ni maikuto asili kufita ao. Mwabona?

²¹³ Kono mu utwe zeo, mwabona. Kona ko ku yembulukezi Mapentekota. “Lu na ni zeñata kufita za na ni muzwale fa manganandila.” Oh! “Luna ni ba bañata kufita ba Assemblies, kakuli lu ba Oneness, kamba lu ba Trinitarian, mi luna lu ba . . .” oh, se, sani, kamba sesiñwi, kaufela—kaufela ze shutana ze ba

nani, mwa bona. Oh, muzwale, seo ha si talusi *cwalo* ku Mulimu. U talimana ni mutu anosi. Kiniti.

²¹⁴ Mulemuhe, nyungano yetuna, kono ne i si ka hoha mupolofita. Mupolofita na si ka iseza ngana kwa lilata lelituna. Kono cwale hana utwile Linzwi lelisisani lani, na zibile kuli lani neli Linzwi, a ipata kwa sifateho mi ataha inza zamaya.

²¹⁵ Mwa ziba, lizazi lakona kuanya mezi amañata mwa mizuzu ye fiftini, kusina kuba ni lilata le likana, mi luna...hahulu lilata-... mi luna lu ba ni lilata hahulu fa kuka mezi mwa buleke kufita lizazi mo li anyeza mingomo ye lule-lule. Yeo ki niti. Lu talima hahulu kubata sika se si tuna hahulu se si na ni lilata lakuli “hurrah,” ni ku ngulungunda hahulu kuzona. kono cwale ha li taha fa mayemo a kunga Linzwi, kipeto taba yeñwi ya zuha. Mwabona? Bataha, ni kubulela kuli, “Kihande, kufuyolwe Mulimu, Na ku bulelela . . .”

²¹⁶ Ne ni katani muuna kwanu ha ki kale hahulu...Ha ni buleli se ka kuba ni kashwau, shangwe mu ni swalele haiba Ni...munahano wa ka u li eza kuba ni kashwau. Nenili kwa mukopano wa tende mi, mukutazi, mukutazi wa Pentekota atisa musala hae kuli alize piano. Mi ha na ni zibahalisize ku musala hae, ka kusepahala, Ne ni batile kuwelela. Musali nana ni milili ye mikuswani luli, ye tatani, mi nana ni masikiyo amatuna kwa lizebe, inza lombwekile mipende fa milomo ya hae, kamba kaufela zeo lili zona, manala a kwa minwana. Na bonahala fellal inge sikamañi...Ne li pono yesabisa; binala byebituna bye bitelele, ni lika zecwalo. Mi na bonahala fela linyawe; kandelesi kakasisani, kaka mu sweli, mane ndelesi ne i sa fiti ni mwa mañwele ha inafafasi. Kihande, Na yema fani fa nako nyana, mi se Nili, “Muzwale, kana Ni ka holofaza maikuto a hao ha Ni ka bulela nto yeñwi?”

²¹⁷ Ki hali, “Kiñi, batili kutokwa.” Muuna yomunde, mi na bonahala kuba musali yomunde.

Se nili, “Kana ubulela kuli musala hao ki mulumeli?”

Ali, “Eeni.”

²¹⁸ Se nili, “U ni swalele ka mubulelelo woo, kono ubonahala inge ‘sipuku’ ku na,” Se nili, wa ziba, “kamba nto yecwalo.” Se nili . . .

²¹⁹ Ki hali, “U talusa sikamañi, Muzwale Branham?” “Oh,” ki hali, “wena u wa sikolo sa ba ba sialezi.”

²²⁰ Se nili, “Ni wa sikolo sa Mañolo. Yeo ki niti, ki sikolo sa Mañolo.” Ha ni lumeli kuli mulumeli uka eza cwalo, Ha ni koni fela ku li lumela, kanti Bibele ya linyaza maswe maswe. Mwabona?

²²¹ Ku lukile, ku bonahala, nako kaufela, lika kaufela ze lu utwa, “neba na ni buiketelo bo bu likana mashumi amane,” “buiketelo bo bu fote-foo,” “neluna ni buiketelo bo bu likana sili handeleti.”

Kihande, bo ki buipuleli. *Kuipulela* ki “macwe.” Yeo ki niti, kakuli Pitrosi, kuya ka buipuleli bwa hae, na bizwa “licwe, licwe lelinyinyani.” Pitrosi, buipuleli bwa hae. Cwale, macwe kona ye lukile, kono ki bunde mañi kamba ki musebezi mañi wa licwe fa muyaho haiba hakuna muyahi wa niti ya fateni ni si tusiso se si shengile kuli a seholule Linzwi kuli li ba pumake ni ku ba eza hande bana ba Mulimu? Mwabona? Ki bunde bufi bwa kuba ni buipuleli?

²²² Kona libaka ha mu kuta mi ha mu fumani baba mashumi amalalu kuzwa ku baba likiti zetalu. Mu ka pikulusa fela licwe mwa mubu, ni ku a pikuluseza fani, mi ha na kuswanelia kwa tempele mane. A lukela kusehululwa, a likanyezwe hande kwa Linzwi la Mulimu, abeiwe mwateni, a kopanyiwe hamoho, a yahilwe fa mutomo wa Tuto ya baapositola, Jesu Kreste ka kuba Licwe la mwa lilulu. Mi ki Hali, “Ya lumela ku Na, misebezi ye Ni eza uka i eza ni yena.” Yeo ki niti.

²²³ Lukona cwani cwani Keleke kanti lusweli ku nyanyifazana mwahala luna? Na ize kuli, “Ka se batu kamukana ba ka ziba kuli mu balutiwa ba Ka, ha mu na ni lilato ku yomuñwi ni yomuñwi.” Ha lu hohana ni ku kauhana, mi bakeñisa kushutana kwa likopano... Hani li beyi fa sicaba, Ni li beya fa kopano. Yeo ki niti. Isiñi sicaba mane. Mwabona? Oh, kinto yemaswe hahulu, ibo Na...

²²⁴ Mu lukela kuba ni sibyana se si buhali, lona Linzwi la Mulimu, kuli li ba beye mwa kalulo ya bana ba bashimani ba Muyaho. Oh, mawi! Tapelo yaka kikuli, “Mulimu, aku akufe ni Malaki 4. Lufe Liñusa mwa mazazi a maungulo. Lufe yomuñwi, lu lumele nto yeñwi ye ka pilisa keleke ya Pentekota ye.”

²²⁵ Ki mulumiwa wa mufuta mañi yo Mulimu na ka lu lumela mwa mazazi a maungulo a? Ni ka mi bulelela se, muzwale waka, kezeli, sina muzwale ni mutanga sina mina ya libelezi nako yani ku itahe, ukaba mufuta o swana wa mulumiwa yana tile ka nako yeñwi. Ki mufuta o swana! U ka kutisa keleke kukutela kwa Linzwi. Mulimu, ha lu beyeñi mutomo wa zona li si ka fita kale faa. Asika taha kale, halu tomeñi mutomo hande ni kuba macwe, lu seholuzwi, ni kuitukiseza kuyema liheta ka liheta ni yena ka nako yeñwi. Yeo Mulimu uka mu luma, kakuli U sepisize kuli U ka eza cwalo.

²²⁶ Cwale, Na ziba, Ni ikutwa kuli seo sa kuta. Mi, muhupule, ka mpo yenyinyani ye Ni kona kuswala temuho ya moyo, mwabona. Cwale, musweli kuhanyeza seo, ha Ni bulezi kuli Malaki 4. Kono mutuhele ni mi bulelele nto yeñwi. Mu ize, “Jesu naize, ‘Haiba mukona ku lumela, yo ki yena Elia ya na bulezwi.’”

²²⁷ Kono haiba mwa bona sa Na bulezi mwa—mwa—mwa buka ya Muñoli Mateu, kauhanyo ya 11 ni timana ya 6, “Haiba mukona ku lumela, yo ki yena ya bulezwi, sina cwana, ‘Ni luma mulumiwa wa Ka fapila Ka.’” Yani neli Malaki 3, isiñi Malaki 4.

²²⁸ Kakuli, mwa Malaki 4, Na ize, “Lizazi le li si ka taha kale, lifasi li ka cisiwa mi sicaba si ka zamaya ku lona; si ciswe kuba inge matakala.” Yeo ki niti. Na bulela ka nako yani mulumiwa fapila Hae, ya nali Elia, ya bulela kuli . . .

²²⁹ Ha—Ha ni lumeli mwa lika ze kaufela zesweli kuezahala kacenu ka za kubo ya Elia ni zeñwi zani kaufela. Na . . . Litaba za buhata zeo kaufela li na ni kutaha, eni sha, kuli li filikanye nto ya niti nako ye i ka taha. Kono, haluboneñi ni mi bulelele, ku ka taha mulumiwa kwa mafelelezo a lusika lwa Pentekota loo ya ka to nyunga nto yateni. Ikaba muuna. Isiñi sikwata, isiñi kopano; kono ki muuna. Kamita kubile ona cwalo, mi Mulimu hakoni kucinca tukiso ya Hae, Ki yena Mulimu wa Kuyakuile.

²³⁰ Muhupule, haiba mulumiwa yani (Joani) neli mulumiwa wa Malaki 4, mi Mañolo a palewa, kakuli I bulezi kuli, “Ika ba . . . lifasi li ka cisiwa sina matakala, mi baba lukile ba ka zamaya kuhatikela fa mufuse wa baba maswe.” Kacwalo mu I bale, mi mubone haiba yeo ha ki niti. Mwabona? Kono Jesu na si ka bulela cwalo, Na swanisize ku Malaki 3, “Ni ka luma numwana wa Ka fapila Ka, ku to lukisa nzila ya Ka.” Yeo luli ki niti.

²³¹ Cwale, kono muhupule, yo yomuñwi na lukela ku kutisa tumelo ya bana kwa bashemi, ku kutisa tumelo ya bana kwa Tumelo ya bashemi, yona Bibebe ya makalelo.

²³² Sani kona sa na ezize Mushe ona cwalo. Sani kona sa na ezize Jesu ona cwalo. Kona za na ezize mulumiwa kaufela mwahala Bibebe, kwa nako ya maungulo ya lusika lwani, ba kutiseza liñusa. Sicaba, mwahala likopano ni lika zeñwi, ba lyangana kaufela ni lika kaufela, mwa mazazi ani.

²³³ Ba ezize nto yeswana ni kacenu! Kacwalo lu libelezi mulumiwa. (Mulimu, mu lume!) Kana mu nahana kuli lu ka mu amuhela? Batili, sha! Ukaba “silyangu ni mufitelezi wa tumelo,” luli kaniti faa, kono Mulimu uka mu paka. Mulumeli wa niti, yena ya lelezwi kwa Bupilo Bobusafeli, Jesu naize, “Kaufela ba Ni file Ndate baka taha, mi hakuna mutu yakona kutaha konji Ndate Ha mu bizize. Mi kaufela ba ni file Ndate” (nako ya kale) “ba Ni file, ba ka taha.” Yeo ki niti, nebali cwalo . . .

²³⁴ Hani lumeli mwa tuto ye kwanu ya Baptist ya—ya silelezo ya Kuyakuile. Na lumela cwalo ka neku leliñwo, kono Ni lumela kuli u silelelizwe ibile fela u mwa Keleke. Kono u sa zwa mwa . . . mwatsi a Mali a Jesu Kreste, ha u sa na silelezo. Ni silelelizwe kwa pula haibile fela Ni teni mwahali moo.

²³⁵ Mi ha u kolobezwa ka Moya o Kenile ni *kubulela* kuli una ni Moya o Kenile, mi kipeto ulatula Linzwi la Mulimu? *Kuli* u lumezi ni kuamuhela Moya o Kenile, mi kipeto ulatula kuli Linzwi ki la niti? Konakuli wo ukona cwani ku ba Moya o Kenile kanti inza li Yena ya na ñozi Bibebe? Moya o Kenile u latule Linzwi la Hae Tota, kuli, “Ne—Ne ni bulela buhata, wena ki wena ya bulela niti”? Batili, yo cwale ha ki Mulimu. Batili, sha.

²³⁶ Mukwale o Buhali! (Mulena, lu lumele Liñusa lelituna.) Seo kona se lu bata. Mi, eeni sha, ha taha ku to lukisa macwe ao ni ku a sehulula ka musebezi wa muyaho, ki sikamañi se si ka ezahala? Buñata bwa bona habana ku yemela tatubo ya Linzwi. Ba ka lata kopano ya bona hande kufita mo ba latela Linzwi la Mulimu, nihaike Linzwi lani li ka pakiwa ki muuna yani. Ukaba mupolofita ya ka taha ka Libizo la Mulena, mi ukaba yena ya ka taha mwa lifasi. Na lumela cwalo.

Oh, mañi ni mañi uli, “Ikaba sikuwata sa batu.”

²³⁷ Ni bata kuli yomuñwi ani bonise mwa Bibele ko ku kaba sikuwata sa batu; Mulimu na ka lyanganisa Linzwi la Hae Tota, Hakoni kueza cwalo. Batili, sha. Na sepisize cwalo. Ikaba muuna alimuñwi. Mi kipeto ku kaba babañwi ni yena, eni sha, likitikiti, balumeli ba Keleke kaufela bakaba ni yena, kai ni kai.

²³⁸ Sina mo ne kuinezi mwa mazazi a Nuwe, hakuna kuba ba bañata hahulu ba bona ba ba ka pilsiwa, kakuli Jesu naize, “Sina mo ne kuinezi mwa mazazi a Nuwe.” Kana mwa ziba cwalo? “Sina mo ne kuinezi mwa mazazi a Lota,” (ku ya bala) “kona mo ku ka bela.”

²³⁹ “Lihalimu ni lifasi li ka fela, kono Linzwi la Ka halina kufela.” Mwabona se Ni talusa? Oh, muzwale, ki hande lu itekule tuto, hakulata nako ifelile kufita mo lu nahanelia. Lwa kona ku yo zuha zazi leliñwi ni kubona kuli lu latehezwi ki sesiñwi. Mu tokomele! Mutone, mulapele, mubatisize, mubate, musike mwa Li tuhelela ku mi fitelela. Mi, muhupule, Linzwi la Mulimu ha li kutazwa, Mulimu u tamehile kwa Linzwi eo mi uka Li paka.

²⁴⁰ Mwa ziba sa Na bulezi mwani, sene si ezahalile mwa mazazi a Lota? Ki hali, “Sina mo ne kuinezi mwa mazazi a Lota.” Ki sikamañi sene si ezahalile fani mulilo u si ka wa kale? Ki sikamañi se si ka ezahala hape ku si ka wa kale mulilo, ki mufuta mañi wa liñusa wo Keleke i ka amuhela? Isiñi Sodoma cwale, Keleke ye ketilwe. Mu buluke fela zetalu zeo: ki bao ba Sodoma; mi nekuna ni Lota ni sikuwata sa hae, keleke ya sihalihali; nekuna ni Abrahama, ya Ketilwe. Babalalu ba bona bana ni liñusa, eeni, ka balumiwa baba shutani. Mutualime mufuta o noile kwa Keleke ye ketilwe, sa Na ezize ku Abrahama. Jesu naize, “Kona mo ku kabela ni kwa kutaha kwa Mwana mutu.” Cwale, halukoni kulatula zeo, zeo kona za na bulezi Jesu. Kacwalo, eeni sha kukaba ona cwalo.

²⁴¹ Cwale, buñata . . . fani Jesu ha na tile mi ba mu tiseza muliko ali, “Mubale Mañolo, kakuli ku ona muhupula kuli mu na ni Bupilo Bobusafeli, mi ki ona apaka za Ka,” ki kuli ne ba ka yemela muliko? Batili. Mi mutu kaufela wa ziba, kuipulela za macwe zeo halikoni ku yemela tatubo ya Linzwi ha i beiwa fa libunda. I nani maandala, mezi a kena, haina ku kona kuyema. Oh, muuna, mi kipeto ni ku nepelwa fa libunda la biñetana ni

bingengemwa! Mulimu kamita uiseza ngana kwa mukwa isiñi kwa palo.

²⁴² Na kwala. Mu ni swalele Ni mi bulukile nako ye kaufela, Ne ni si ka lela kueza se. Halu boneñi fela fa—fa muzuzu cwalo, kamba yemibeli, ni bulele taba ya mafelelezo ye, mi Ni ka tuhela fa muzuzu fela. Ni sepa Ni—Ni—Ni bulezi nto yeñwi ya ku mi tusa, mwabona, kuli mu balisise. Mwabona?

²⁴³ Mulimu u iseza ngana mwa mukwa isiñi palo. Mi kacenu lueza ka kushutana. Luna lu tokomela lipalo, mutinelo omunde, baba tisa mali amañata, mwa sibaka sa mukwa. Uh-huh.

²⁴⁴ Eliezare na fufulezwi hande, kufitela a fumana mukwa sakata. Yeo kona niti. Ki mañi ya na ka nga? Mi a sepa Mulimu. Mukwa wa sikamañi? Mukwa wa Isaka, munyaliwa, ili mufuta wa Keleke. Mwa ziba cwalo. Yani neli peu ya nama ya Abrahama; ye ki Peu ya silena ya Abrahama. Kihande, haiba Eliezare, mulumiwa yani ha na bata banta mukwa o swanelia, haiba muuna yani u tile, mulumiwa wa lizazi la mafelelezo, u lika kufumana Munyaliwa wa Kreste, ha na kubata bu membala bwa likopano. U ka bata mukwa o itakaleza.

²⁴⁵ Mutualime! Mukwa o munde pili, mi kona a mu lukiseza ku katanyeza Isaka. Kasamulaho afumana mukwa o noswanelia, mi ni ku mu lumeleza kuli ayeme nako yetelele inza teeleza liñusa la Isaka.

²⁴⁶ Yani ki yena numwana wa mazazi a maungulo, Liseli la manzibwana, ki kufumana pili Keleke yani (ko ba ka lumela Liñusa lani?), ku i bata. Kana mwa lemuha se Ni bulela? Bata ko kuna ni Keleke yani ye ka ku lumeleza kukena mwateni, ye si ke ku kwala munyako fapila sifateho sa hao. Mi cwale ha u ya kwani, kipeto u fumani mukwa sataka. Cwale haiba akona kuyema fa nako yetelele ku mu bulelela mwa lukela kutinela Munyaliwa yani! Una ni kuapala. Ayeme akuzize! Haiba ukona kuba...

²⁴⁷ Mutualime Rebekah yomunyinyani yani ha teeleza kwa linzwi kaufela, pilu ya hae yenyinyani ne isweli ku nata. Musali... Na—na sweli ku mu bulelela. Cwale, u fufulezwi luli, “Ni ka ya kai?” kufitela Ni fumana wa mikwa yeminde. Mi cwale ha Ni ka fumana mikwa yeo, ni ku mu yemisa a kuzize fa nako yetelele kuli abe ya itukisize ku kopana ni yena. Oh, mawi, ha ki nto kwa bunde ni yeo! (Kambe luna ni nako nyana fa waci yani.) Ku mu baakanya; ayeme inza kuzize tuu ateleeze kwa liñusa la hae. Elieza na sa buleli za hae, kono na bulela za ya na mu lumile. Mi nana ni limpo za kubonisa kuli na lumilwe ki yena. Amen! Na bata ku mu tinisa ka lika ze. Mwa ziba mwa na mu tiniselize.

²⁴⁸ Kambe Ne ni ka mu tapisa fela kwa sifateho! Mwabona? Mwa ziba, Ni—Ni ikutwa fela kutuheliswa ku seo, kacwalo kihande Ni ikuzeze fela. Nihakuli cwalo, Ni bulezi zeñata, mwa ziba ze Ni ambola. Ku lukile, muteeleze, muyeme fela ona cwalo.

²⁴⁹ Mulemuhe, mulumiwa wa nako ya maungulo, musebezi wa hae ukaba wa ku lukisa baba kenile, Munyaliwa ya lukiselizwe Munyali. Lani ikaba Liñusa la hae. Cwale mu bata kuituta ABC kuli mukone kubala alugebura kasamulaho nji? Mi maswayo amañwi kwa mulaho a sa kwaluhile fela aka patululwa fela kubona. Yeo ki niti. Muitute ABC pili. *ABC* ki sikamañi? “Kamita Lumela Kreste,” (isiñi tuto ya tumelo ya hao), Kreste. Mwabona? U lumele Sa bulela, isiñi sa bulela mutu ufi kaufela.

²⁵⁰ Haiba kwa shutana, haiba nji mutu uka ku bulelela kuli, “Ku lukile kuli ukute milili ya hao, basali,” u ziba kuli wa puma. Bibele ibulezi kuli ku fosahalile. Haiba a bulela kuli, “Wa kona ku ba dikoni kono u sa na ni basali babane kamba baba ketalizoho,” u sa bulela buhata. Zeo za shutana kwa Linzwi. Mwabona? Lika zeñwi ze kaufela ze lu bulela, ku li bizeza kwa Linzwi ni kubona haiba Linzwi li lukile.

²⁵¹ Ku kutisa keleke kwa Linzwi. Cwale, mulumiwa yo wa Malaki 4 ki sikamañi sa ka eza? U ka kutisa Tumelo ya makalelo, yona Tumelo ya zuho. Kuli, ne ba boni Jesu kasamulaho Amano zuha kwa bafu, ba Mu bona inza beleka mwahala bona.

²⁵² Neli baana ba manzwi alikani. Ne baile ku yo kutaza Linzwi. Oh, ba kutaza nako yetelele, Paulusi na kutilize busihu kaufela nako yeñwi. Mwabona? Mutu cwana a wa fa muyaho, a ipulaya. A lobaza mibili wa hae fahalimwa hae, a mu kutisa kwa bupilo hape, mwabona. Mwabona? Mwabona, a zwelapili kukutaza.

²⁵³ Cwale, mulemuhe neli baana ba ba shutana kufita ba Ph., L.L., Q.U.S.T., mi kaufela mo mu bata ku li bizeza, kona kacenu. Sikamañi? Wa kauhanya mulumiwa mi . . . Liñusa, nitaluse, ka mulumiwa, li ka kauhanya balumeli ku ba ba sa lumeli. Babañwi ba bona ba ka lumelelana ni Lona, mi babañwi habana kuba cwalo. Babañwi ba ma Lutheran . . . Babañwi ba Katolika ne ba lumelelana ni Luther, babañwi ne ba si cwalo. Babañwi ba ma Lutheran nebatile ku ba Methodist, babañwi ne ba si ka eza cwalo. Babañwi ba ngungahana kuba Pentekota, mi babañwi nya. Babañwi baka zamaeleta ni Liseli la manzibwana, babañwi habana kuba cwalo.

²⁵⁴ Kana mu ka ziba cwani kuli ki Liseli la manzibwana kamba nee? Mu litatube ka Linzwi (isiñi fela Linzwi *lililiñwi*, Linzwi *kaufela* libeye hamoho), kubona haiba li lukile kamba nee. Oh, si mwa sikamañi? Kona kuli haiba Liñusa le lilwala bupaki bwa ponahazo ya Mulimu ka kueza sa Na bulezi kuli U ka eza, mi li zamaeleta ni Linzwi, konakuli Linzwi li pakilwe sina linako zeñwi ni bupolofita mo bu ezelize ka linako zeñwi.

²⁵⁵ Mulemuhe haiba Liñusa . . . fani . . . Mulemuhe fani Liñusa ha li hanilwe ki sicaba, mi mulumiwa ubonahala kuba ya tuzwi kufelelela, kuli upalelwa kuba ni munyako omuñwi, hakoni ku ba ni sibaka.

²⁵⁶ Sina Mulena luna mwa na bezi. Muhupule, fani ha Na li . . . Oh, ha Na folisa bakuli, Mupolofita wa mwanana, “Oh, mawi! Ki Mutangana yomutuna!” “Lumela, Muluti, u ikutwa cwani?” Kono zazi leliñwi Ainafafasi ni kukala ku ba bulelela Niti. A fumanishemo ni keleke, sicaba. Likitikiti ne li Mu latelela. Nana ni bakutazi baba sebente bene bali bukaufi ni Yena, kwanda baba lishumi ka bababeli. Kono zazi leliñwi kasamulaho Amano fetula sinkwa mwa . . . kamba afetula . . . linkwa ku lieza buñata, ili kupaka kuli Nali yena Mulimu, kakuli ki Mulimu fela yana nelisa sinkwa kuzwa kwa Lihalimu. Eehe. Mwabona? A atisa linkwa. Mi kapili kuzwa fano . . . A zamaya fa mezi, aeza limakazo, mi ni kueza lika za Na eza, ku bonisa kuli Na li yena.

²⁵⁷ Mi he, A si no eza cwalo, Ainafafasi ni ku kala kuluta sicaba ka tokomelo. Sicaba sa mu siya. Mi baba mashumi a supile bali, “Uh! Ki mañi ya kona ku utwa manzwi A? Ye ki pulelo yetata. U sinya se ne lu hupula kuli neli nto isili fela. Cwale, ki Wena mañi kuli u lu bulelele litaba zee?” Mi ba ikela.

²⁵⁸ Mi Jesu a si kuluhela kwa sikkwata sa Hae se si nyinyani, sina mwa mazazi a Nuwe, sina mwa mazazi a Sodoma, ali, “Mu bata ku ya, ni mina?”

²⁵⁹ Mi Pitrosi a bulela manzwi amatuna ani, “Mulena, kikai ko lu ka ya?” (Mulimum akulutuse.)

²⁶⁰ Mulemuhe Liñusa ha li haniwa mi mulumiwa u bonahala ku komiwa, foo kona fo Mulimu ha tahanga mwa sibaka, Liñusa la hae li felile.

²⁶¹ Nuwe, (ka kukwala cwale), Nuwe na kutilize mwa munyako wa areka ya hae ka myaha ye mwanda ni mashumi amabeli, kufitela, mafelelezo ha ba mu seha, Nuwe akena mwa areka ka kunahana kuli . . . ne likaba fela hande. Mulimu na kwalile sikkwalo. Mi sicaba sani sa yema bukaufi ni kubona sene si ka ezahala. Mazazi a sebene aina fani ni kufufulelw, mi ka lizazi la busebene pula ya taha. Uh-huh.

²⁶² Mushe, nali mwa sikamañi yena? Ona musebezi luli, ku zamaisa sicaba. Liwate Lelifubelu la yena mwa nzila ya hae. Nali kwa mafelelezo a nzila ya hae. Neli ona fani Mulimu ha taha ni moywa kwa Upa ni ku kauhanya liwate, kwa mafelelezo a nzila.

²⁶³ Neli Daniele, ya na yemi fa liñusa la hae, “Hanina ku i silafaza ni lifasi la mulena le.” Inza yemi ka niti ku Mulimu, neli kwa mafelelezo a nzila ya hae, kwa bonahala kuli mafelelezo a nako ya hae na tile, ba mu nepela mwa musima wa litau. Mulimu na keni mwa sibaka.

²⁶⁴ Mi kakusasana omuñwi, kwani kwa Babilona . . . Amen! Na kona kutilima kwa Lihalimu, Na bona lu—lu Lubona, Mangeloi inza yemi bukaufi. Mutualime kwanu kwa Babilona, Na bona—bona ondo yetuka. Ni bona bana ba balalu baba yemi fani, bali, “Mulimu wa luna wakona ku lu lamulela.” Mwabona? “Kono

ha lu kubameli siswaniso sa hao, kakuli sa shutana ni Linzwi.” Mwabona? “Lu yemi kulo fa.”

²⁶⁵ “Ku lukile,” kwa bulela mulena, “inza pahama kuzamaya fa mapahamelō, ku yo cisiwa.” Muuna yomutuna yatiile, kwa mafelelezo a muwayo wo, ki yo a taha fa mahatelo, muhato ka muhato, kucisa ni kucisa.

²⁶⁶ Ni bona Lingeloi ha li yemi, leliñwi, kwa neku la Lubona, li sweli mukwale unzo comohile, ali, “Ndate, talima fafasi fani, ki sikamañi se si ezahala! Tuhela ni shetumuke fafasi, Kina Gabriele, Ni ka cinca sibaka.”

²⁶⁷ “Beya mukwale wa hao mwa sipushu, Gabriele. Ni li boni.”

²⁶⁸ Ki yo yomuñwi ataha, ali, “Ndate, Kina Wormwood, Ni musinyi yaitusisa mezi. Mwa linako za muunda, mutu aeza sibi ni ku nyandisa batu, mi Na—Na fetula lifasi kaufela mwa siliba sa mezi. Ni ka tapisa Babilona kuzwa fa mapa kakusasana cwana. Ni zamaye.”

²⁶⁹ “Ni ziba kuli wa kona, Wormwood, wena u Lingeloi le li sepahala. Mwabona? Kono, Hani koni ku ku tuhela kuli u zamaye, wo kona musebezi wa Ka. Na ya, Na kasibili.”

“Fa, U ba boni?”

²⁷⁰ “Ni ba boni busihu kaufela. Ni utwile mukopano wa bona wa litapelo. Ni boni mayemo a bona kwa Linzwi la Ka. Ni ka fita kwateni ka nako.” Oh, mawi! Na Mu bona ha yema ni liapalo za Hae za bulena za Mu tahela, ona cwalo, ni kubulela kuli, “Taha kwanu, moya wa kwa East, Mutulo, Mboela, Wiko. U tuluke ufite kwateni kwani, Ni ka pahama inge koloi kakusasana cwana. Ni ya kwa Babilona, Ni ka cinca ze ezahala mwa sibaka.” Oh, muzwale, Na i lo fita kapili fani ka nako yani!

²⁷¹ Liito la hae li bona nyunywani kaufela mi Ni ziba kuli Wa ni tokomela. U sa tona busihu boo, inza ni talimela, Wa ku bona. U talimile haiba lu ka yema kamba haluan kuyema, mufuta wa buketelo bo lu ka eza, kamba luka yema ka kusepahala kwa Linzwi kamba kuzwa ku Lona. Se li manzibwana kufita mo mu nahanelia.

²⁷² Jakobo, fa musipili wa hae wa kuya kwa hae, na susumelizwe kukuta kwa hae, muhulwana hae a mu katanyeza. Oh, kono busihu bobuñwi a mangana ni Mulimu. Na saba ku kopana ni muhulwana hae, kono habusa kakusasana a fela boi, aba nbi ya cuñuta. “Ha ni tokwi Esau kamba mpi ya hae, nihaiba alimuñwi,” Mulimu na tilo iponahaza. Mwabona, U ezanga ka nzila ye ipitezī.

²⁷³ Jesu, na hanilwe, kasamulaho wa kuba Mwana Mulimu ya pakilwe, ali, “Ha Ni sa ezi misebezi Ya Ndate, musike mwa Ni lumela.” Nali yena Liseli la lizazi lani (U sali yena Liseli!), ato iponahaza. Mi sicaba, haibile fela Na ka kona . . . sinkwa ni litapi ni linkwa, ba Mu latelela. Kono ha Na kalile ku ba bulelela

Niti ya Linzwi, yani ne i ba kauhanyize, ne bana ni lizo za bona ze ne ba swalelezi. Ne li shutana, ibo mwa ziba kuli Nali hande ka Mañolo. Kono meto a libofu a lifasi na si ka Li bona; mane habakoni kuba cwalo neba kacenu, kamba neba ku ba cwalo mwa lusika lufi kaufela, Ni taluse, kuba sika kaufela. Ki sikamañi sene si ezahalile? Ne ku bonahalile inge kuli Na komilwe.

²⁷⁴ Mu lemuhe, kuzwa ka yona nako yani, kabubo ka Hae ka Mu siya. Lili? Ha Na kalile ku ba bulelela Linzwi. Fani ha Na ile ni kuba ni—ni kuba ni lisebelezo za kufoliswa ni mikopano, mañi ni mañi na Mu lata, “O Muluti, taha kwanu!” mi, “Muluti, taha kwanu!” Kono cwale Tuto ya Hae haikala; “Oh, Tuto ya Hao i lyanganisa sicaba sa hesu.” Oh, bunde! “Oh, Hani koni kuba ni Wena mwa keleke yaka ni kamuta, Rabbi, kakuli, kiñi, U lyanganisa sicaba sa luna, Tuto ya Hao ya shutana luli ku se lu lumela.” Ha i si ka cinca. Mwabona? Ha ki cwalo. Eehe. “Ha lukoni kuba ni Wena, Muluti!” Ibo Yena ka ku pakiwa, na pakilwe ka Mañolo ka Yo nali Yena, niteñi ne ba si ka Li lumela.

²⁷⁵ Mafelelezo A zwelapili kufitela nako ya mafelelezo, fani Satani ha upula kuli “Ni Mu sweli,” a Mu kokotela fa sifapano. Fafasi,fafasi,fafasi,fafasi,kufitela mafelelezo ba nahana kuli ne ba Mu sweli, ku Mu beya mwa libita. Kono fani kona fana tilo iponahaleza Mulimu. Kuzwa mwa libita A zuha! Kiñi?

²⁷⁶ Ki nto yeswana, Paulusi, na ize, “Kaufela... Demasi u ni hanile. Batu kaufela ba ni keluhile kwa Linzwi.” Ha ni sepi kuli Demasi na ile kwa manwelo ni libaka zewi. Kono Demasi na batra ku ya, Demasi na li muuna ya fumile. Mi na bata ku ya ni sikuwata se si zibahala hahulu, mi kacwalo a zwela kwande ko ne kuile babañwi kaufela. Mi cwale Paulusi ali, “Batu kaufela ba ni keluhile.” Kiñi? bulumiwa bwa Hae, na taha kwa licwe la kukwahela, inza taha kwa mafelelezo.

²⁷⁷ Takazo ya hae neli kuba mubulaiwa kakuli na bulaille Setefani, na pakile lifu la hae ni ku li lumeleza. Na bata kushwa. Mi cwale... Agabasi, mupolofita ya na zibahala hahulu yani, ana yemi bukaufi ni yena ni ku mu bulelela kuli a si ke kuya kwa Jerusalema, ki hali, “Ha ni zibi kwa kuya. Kono ha Ni lati fela kuya, ku yo kena mwa litamo ni kutamiwa, kwa Jerusalema, kono Ni itukisize kuya ni yo shwela Mulena Jesu.” Neli sikamañi sani? Na sweli kuswaya bulumiwa bwa hae.

²⁷⁸ O Keleke ya Mulimu yapila, lwakona kubulela busihu kaufela. Lu ka swaya cwani Liñusa la luna? Lu ka eza cwani zeo? Mulimu, lu tuse kuli lunge Linzwi le, lu yeme ka kutiya. Tuhela ni shwe ka Linzwi; ni pile ka Linzwi, ni shwe ka Linzwi. Nihasanye Liseli, kakuli ku kaba Liseli mwa nako ya manzibwana. Lu mwa hola yani, balikani. Halu Li lumeleni, halunze luinamisa litoho za luna.

²⁷⁹ Pili, Ni kupa swalelo ka ku mi buluka nako ye kaufela, ka lihola zepeli fela, hola ni mizuzu ye mashumi amane ka aketalizoho, Na sepa, kona cwalo. Ni sepa kuli hakuna se si filikanyizwe. Ha lu si ka halifiswa. Kuli, haiba sani si mwa—haiba sani si mwa lipilu za luna ni moyo, konakuli lwa fosa, luna kasibili, haiba nji bakutazi lu bulela fela lika zeo, mizwale yaka mo, baana babatezi Moya o Kenile ba. Mwabona?

²⁸⁰ Hane Ni pilisizwe mi Na bulelela mulisana waka wa Baptist kuli Ne ni amuhezi Moya o Kenile, ni lika ze kaufela, ze... mi Lingeloi la Mulena la ni bulelela sa kueza, ki hali, “No lukela kuba ni tolo ye sabisa, Billy.”

Se nili, “Dokota Davis, Ni boni Lingeloi.”

²⁸¹ Ki hali, “Oh, bukuba!” Ali, “Zeo—zeo ki za diabulosi.” Mwabona? Oh, mawi, zeo mo li ni utwisiseza! Ki hali, “Uka kutaza kwa malena ni babusisi?”

Se nili, “Sani kona sa Na bulezi.”

Ki hali, “Ni tuto ya bu sebene?”

Se nili, “Sani kona sa Na bulezi.”

²⁸² Ki hali, “Ki mañi yo nahana kuli uka teezea? Ku yo kutaza foliso ya Bumulimu mwa lizazi le sina cwana, ni lipatisiso kaufela za milyani ni lika zeñwi?”

Se nili, “Hani koni ku kuziba kuli ki bo Goliati babakai baba yemi kwani.”

Sa li, “Ki mañi yo hupula kuli uka ku utwa?”

²⁸³ Se nili, “Haiba Mulimu wa ni luma, ku kaba mutu yaka ni utwa.”

²⁸⁴ Ne ni sa mi zibi mina sicaba ka nako yani. Mi ha Ni taha ku mina, ne kuswana fela inge ku putulula lisila fa lizoho, Na kwana hande ni mina. Na mi lata. Na lata mizwale yaka ya balisana. Mu nahana kuli wa Presbyterian, Methodist, kamba Lutheran, na ka kwalula keleke ya hae sina muzwale yo mwa ezelize busihu boo, kuli lu ine ni kukutaza mufuta wa liñusa le li cwana? Batili, sha, batili sha. Ba ki baana baba sephahaha baba lumela Niti. Cwale mu zamaelele hande ni Linzwi ni bona, mwabona, muinele kwahule ni lika za lifasi.

²⁸⁵ Likezeli, ha mulumeleze milili yamina kuhula. Mutinange lindelesi za mina, ka bunde ni ka bukwala. Mu no swaba. Zwisa mipende yeo kwa sifateho sa hao. Mwabona? Muna ni Mañolo amañata abulela za mipende kufita kukuta milili ya mina. Yeo ki niti. Musike mwa eza cwalo. Musike mwa eza cwalo. Bibele ibulezi kuli ki taba ye swabisa kuli musali aeze cwalo. Milili ki kanya ya hae. Cwale mu li, “Yeo ki nto yenyinyani.” Zeo li lukile, ha lu ngeni lika zenyinyani kuzwa mwa nzila mi kipeto lwakona kubulela ka lika zetuna. Halu kaliseni hande.

²⁸⁶ Cwale, mizwale. Oh, mawi! Mutuhele ni bulele nto iliñwi ku muuna yani. Muñaka, muzwale waka, haiba ukona kutuhela musala hao kueza nto ye cwalo, Na ku swabela, mi uipapata kuba muuna yatezi Moya. Maswabisa ku wena, ya tuhela musala hao kuzamaya cwalo mwa mukwakwa.

²⁸⁷ Ni ndelesi ya hao ye bonisa sibupeho sa hao ni lika kaufela fa ngandaleza, mi kana mwa ziba kuli Bibele ibulezi, ki Jesu ya na ize kuli, “Yo kaufela ya talima musali ka ku mu lakaza u sa mu bukile”?

²⁸⁸ Mu li, “Cwale libelela fa muzuzu, muzwale waka, Hanina mulatu.” Ni lumela kuli hauna mulatu, kezela ka, hauna mulatu mwa kezo ya nama. Kono haiba u ipitisa cwalo wena kasibili mi muezalibi wa ku talima, mi u iponahalize ili wena sina cwalo, ki mañi yana ni mulatu? Una ni mulatu, ka kuiponahaza cwalo. Mi ka lizazi la Katulo, foo muezalibi yani ha ka yo alabela bubuki, ki mañi ya na bukile ni yena mwa pilu ya hae? Wena! Kiñi? Kakuli u iponahalize ili wena. Cwale, yeo ki Niti fela.

²⁸⁹ Nji cwani, nji cwani, kezeli, shangwe, ka Libizo la Jesu, ha Ni ku buze ka kuba muzwale wa hao, kuli ube ya iolohile hande?

²⁹⁰ Muzwale, maswabisa ku wena ka kuswala ndu ya hao cwalo, otoloha. Ni—Ni na ni sepo yende ku wena kakuba muuna. Mwabona?

²⁹¹ Balisana baba tuhelela batu bani kukena cwalo, kunga misebezi ya budikoni ni lika zeñwi kaufela ni misebezi ye cwalo, ni basali bababeli kamba babalalu inge ba pila, ni lika zeñwi, kana ha u swabi, mukutazi? Kana ha u swabeli lika zeo? Ni kunga ma membala bani mwateni kanti ba pila mwa boozwa, ni kuzuba makwai, ni kueza kamukana, mane kusina neba ku li bulela fa katala. Maswabisa ku wena! Na—Na—Na ku lapelela, muzwale.

²⁹² Mulimu ami fuyole. Ni itumezi ka tibelelo ya mina ya ku itiisa ni na. Cwale, Na komoka . . .

²⁹³ Liseli la manzibwana litile. Liseli la manzibwana liteni mo, ha lu kutele kwa Linzwi.

²⁹⁴ Cwale, ni litoho za mina ze inami, lipilu za mina liinami cwalo, muipuze ili mina puzo ye, “Kana Na zamaeleta hande kwa Linzwi le? Nji Cwani?”

²⁹⁵ Tapelo yaka kikuli, kuzwa fa katala, “O Mulimu, pumaka lika kaufela kuna ze si yo sina Wena. O Mulimu, lizwise ku na.” Lu kwa mafelelezo a nzila kwanu.

²⁹⁶ Ku lukile, kana ukaba ya sepahala kuli u nanule mazoho a hao ni kubulela kuli, “Mulimu, lemaka kuna lika kaufela ze sa swani ni Wena. Ni eze, Mulena, ni bupe ni ku ni eza”? Mulena ami fuyole.

²⁹⁷ Haiba kuna ni mutu ya si ka luka, mi ki muezalibi mi ya keluhile mo busihu cwana, mi ki ya si ka amuhela Kreste kuba Mupulusi, kamba yawile mwa tumelo kamba nto yeñwi, mi

ubata kukuta, u memilwe kuli utahe kwanu kwa katala. Haiba u lumela kuli Mulimu uka utwa litapelo za ka za bakuli, Ni lumela kuli Uka ni utwa. Mi mina ni Na hamoho halunze lu beya tumelo ya luna fa Sitabelo, Jesu Kreste, yena Mwana Mulimu, ni kufa tapelo, Ni lumela kuli Mulimu uka utwa. U memilwe kuli utahe u to lapelelwa.

²⁹⁸ Cwale, Ndata luna yakwa Lihalimu, lufa ku Wena sicaba se, manzwi a lobakehile a abile amatelele, Mulena. Mane babañata se ba katezi mi ba katezi mi ba ile kwa ndu, mi mwendi babañwi ba ikutwa bumaswe nyana, mi, Mulena, Hani—Hani koni fela kuziba kuli ki mañi yaliteni mwa sicaba ka nako kaufela. Mi, kasamulaho wa lika kaufela, Ndate, hanili Ki Linzwi la Hao mi U ziba pilu yaka. Kacwalo . . . mi Ni . . . Ni maibile haiba ha Ni ezi cwalo. Mi Ni—Ni lukela kueza cwalo, Mulena. Kacwalo Ni lapela cwale kuli sicaba se si na ni kutwisiso ya Linzwi si ka utwisia hande, mi Ni ziba hande kuli bao U bizelize kwa Bupilo ba eze cwalo, kuli ha ki sika sifi mwa lifasi kono ki pilu yetezi lilato la Mulimu ni Keleke ya Hae ye Ni kupela lika ze.

²⁹⁹ Ndate, ni bona kuli lizoho kaufela mwahali mo linanuhile kubata mupato, kuli ku sehululwe kwateni zefitelezi ze sa tokwi kuba kwateni. Mulimu, lu tuse kaufela luna. Ni yemi hande ni bona, Mulena. Ni alimuñwi wa bona, Ni libelezi kutaha kwa lizazi la tabo la Mileniamu fo sibi ni maswabi ha li ka sinyiwa kuyakuile. Mi, Ndate, ha luli mwa lifasi le lu ziba kuli lu tamehile kwa lika ze, lu tamehile ku ba ni mafosisa, lu tamehile kwa sibi, lu sa zamaya, kono niteni ha lu lati kueza cwalo. Sina Bibele ha ibulezi kuli, “U si ke wa filikana ha u kalimelwa.” Kono Na lapela, Ndate, kuli kunyaziwa ki Linzwi kwa ni pumaka katata fela sina mo ku ba pumakela babañwi kaufela. Mi Na lapela, Ndate, kuli ba utwisisse ona cwalo.

³⁰⁰ Ni lapela kuli U ba fuyole cwale. Mi cwale se, sina hane lu lapela sapili, Mulena, ka kuziba ni kutalima se lu kupa, kakuli halu lati kukupa ka mafosisa, ha lu lati kukupa sika fela sesikona ku ipangela fela manzwi, kakuli lu ambola ku Wena.

³⁰¹ Ni kupa kuli Wena ufuyole muzwale waluna yomunyinyani mo ya kwaluzi munyako wa hae kuli na ni tahe busihu bo. Ni lapela kuli U fuyole keleke ya hae hamnoho cwalo mañi ni mañi wa ma membala ba hae, Mulena, fela . . . Ye haibe ndu ya liseli, sibaka ko ku buba limpo za Mulimu ni lika kaufela li zamaya fela ka bunolo.

³⁰² Fuyola mukutazi kaufela yaliteni mo, likeleke za bona. Mi ha ku be nyungano yetuna luli, kamba lilata le li fuka mwa kota ya maluberi, la Moya wa Mulimu kupumahanya Phoenix, ni kutisa likeleke mwa kopano ni kwa—ni kwa ancafazo yetuna, kuli bakutazi habana kukona ku kutaza, kwa Kanya ya Mulimu; kono cwale balumeli ha ba taha hamoho ka kuitahanelia mwa musihali, inge ba lila ni kulapela ni kupaka ni mañusa, kuba fela

ni kusuluha kokutuna kwa Moya, foo muleneñi kaufela ha u ka hohelwa kutaha, ku to teeleza. Lumeleza cwalo.

³⁰³ Folisa bakuli mwahala luna, Mulena. Fa ku bona tukuluho ya Bumulimu, Ndate, ka Libizo la Jesu Kreste.

³⁰⁴ Cwale ni litoho zaluna ze inami, haiba kuna ni yomukana mo ya lakaza kuyema kwa kataala cwale, mi halunze lu inamisize litoho za luna, mi lu ka ūnuña pina nyana, ye—ye—ye yende, ya kale ya Evangelii. Mi lubata ku ūnuña cwalo. Mi ha lueza cwalo, haiba kuna ni ya lakaza kuli lu mu lapelele, kutaha kwa—kwa kutwisiso yetungile, kuli u amuhele Moya o Kenile, kamba u pilisizwe mi ha u si ka keniswa kale, kamba seo kaufela, lu ka tabela kueza cwalo halunze lu ūnuña pina nyana ye, *Na Mu lata*. Mi haiba mwa Mu lata, ha lu kutekeni Linzwi la Hae cwale.

Na Mu lata, Na Mu lata
Kakuli U ni latile pili
Ni kuleka puluso yaka
Fa kota ya Kalvari.

³⁰⁵ Habanze ba taha, Ni bata kuli mañi ni mañi ange sibaka sa hae fa cwale. Ku lukile, kezeli.

... Mu lata, Na Mu lata
Kakuli Yena...

Amu tahe cwale, kwa aletare, mina baba bata kutaha cwale.

... na
Ni kuleka puluso yaka
Fa kota ya Kalvari...

³⁰⁶ Kiñi mina likezeli babañwi ba mina likezeli ni milili ye mikuswani ha mu sa tahi kwanu ni kuba hande ni Mulimu? Mu bata kuli ni mi balele yona mwa Bibele? Ku lukile. Kana ha utahi, uli, “Mulena, Ni bata kuba ya lukile mwa lika kaufela, mi Ni bata kukala hande. Mi Ni bata ku ba hande mwa nzila yende ni inele mwateni. Ni ka fa buitamo ku Wena busihu boo, Mulena. Li ka hula kuzwa cwale kuya kwapili”?

³⁰⁷ Bibele ibulezi kuli ki maswabiswa kuli muuna abe ni milili yemitelele, kubonahala inge musali. Mulimu na ezize bulikani bo bubeli, bwapili ni Adama mi yomuñwi neli ni Eva. A ba tinisa ka kushutana. Ba shutana, kaufela bona. Bona kamita babile ba shutana. Kuna ni bulikani bobubeli mwa Bibele. Ni tabela kukutaza fa bulikani bobubeli bwani busihu bobuñwi, kokuñwi, ku mi bonisa shutano yeli yona. Oh, mawi, kinto yende. Mane ku cwalo ni mwa linyalo la hao ni taba ya telekano, haiba mwa ziba fela niti ku seo ne si ka felisa butata kaufela. Yeo ki niti. Ku lukile, hape cwale, halunze lu kolwa cwale. Amutahe, nji cwani?

Na Mu lata...

U tokwa Moya o Kenile? A ku tahe, u yeme.

Kakuli U ni latile pili
Mi . . .

U bata muzamao wa fakaufi ni Yena? U tahe, u ge ni buitamo, muyeme ni Yena mi mu libuluke. Halina kuba hande kuba ni buitamo konji ku bu buluka.

Fa . . .

Wakona kutaha u to fa buitamo bwa hao. Mulimu u ka bu taleleza. Wena u buluke fela buitamo bwa hao.

³⁰⁸ Cwale Ni ka kupa mizwale yaka ya bakutazi haiba mu ka taha kwanu cwale, muyeme kwanu ni batu babande ba halunze lu lapela fa, mubulele ku bona, mubule ze ba tokwile zabona cwale halunze lu li mo.

³⁰⁹ Mañi ni mañi mube fela ka likute mo mukona kubela. Cwale, Mulimu uka mi kuteka, mube fela ka likute luli kufitela tapelo ye ieziwa. Mwakona kutaha ona fa cwale, kulo kwanu, kwa matuko, ni kwa mulaho wa sicaba se si yemi kwanu sa tapelo.

Fa kota ya Kalvari.

³¹⁰ Cwale hape, hakunze kuna ni bakutazi ba ba kopani kwa maneku amabeli kaufela.

Na Mu lata, Na . . .

Ni tabela kubona kuli, bakutazi ba likopano ze shutana, kaufela ku iliñwi cwale; babali mwa tasa Mali.

Kakuli U ni latile pili
Ni kuleka puluso yaka
Fa kota ya Kalvari. (Mawi!)

³¹¹ Cwale amu zamaye, mizwale, bukaufi ni mutu yo mu yemi bukaufi ni yena, beya lizoho la hao ku bona ni ku ba buza ze ba bata ku Mulimu. Ye ki nako yende? Mwa ziba, ha Ni bona se, mutualime kwanu, bakutazi ba likeleke ze shutana, baba yemi hamoho. Likezeli ze ne lobezi fa bulobalo bwa bakuli ba nanuhile, fa fande, baile. Kulumbwe Mulena. Ni itumezi hahulu ka seo, inge mu yemi ka Libizo la Mulena.

³¹² Cwale, sicaba cwale, mañi ni mañi muinamise litoho za mina. Mañi ni mañi wa mina cwale, mwa pilu ya hao, mu bulele fela ku Mulimu inge hane mu ka ambola ni na; inge hane u ka taha ku to bulela kuli, “Muzwale Branham, Ni—Ni . . .” Haiba uezize mafosisa, uli, “Ni swalele, Muzwale Branham. Ni—Ni ezize se, kikuli uka ni swalela? Ni ka mi fa sepiso, Muzwale Branham, Hanina ku ku lwanisa zeo hape.” Cwale aku ni cince fela libizo, kuzwa kuna, ku Mulena hao Jesu Kreste.

³¹³ Mi haiba utokwa foliso, inge ha no ka taha uli, “Muzwale Branham, Ni—Ni lobilwe, Ne ni sina mulalelo ni okana busihu boo, mi, eehe, Ni ziba kuli kambe una ni dollar no ka nifa yona.” Cwale, mwabona, hamu lukeli kubulelala Mulimu kuli, “Haiba U na ni mata a kufolisa.” Una ni ona, mwabona. Muna ni kubulela

zeo ku na kuli, “*Haiba una ni sona.*” Kono ku Yena ha mu lukeli kubulela kuli, “*Haiba Una ni ona.*” Una ni! Mwabona? Kacwalo mu li, sina, “Muzwale Branham, kana wakona ku ni fa dollar? Ni—Ni—Ni tokwa nto yeñwi ya kuca.” Kiñi, eeni sha Ne ni ka tabela, mwa ziba cwalo. Kambe Ne ni kaba ni yona Ne ni ka kufa yona, nako kaufela. Ne ni kaba ni pilu ye sabisa kambe Ne ni si cwalo. Mi na, ka kuba wa pili seta, muuna wa sibi, mi ni be mutu wa pilu yende sina wena, kana Mulimu ukona kufita kai?

³¹⁴ “Mbali mina ba ba lunya mu ziba kufa limpo zende, kana Ndata mina yakwa Lihalimu uka ba fa cwani Moya, ba ba U kupa.” “*Haiba no ka kupa tapi, kikuli Na ka kufa noha? A mu kupa sinkwa, kikuli Uka mifa licwe?*” Batili kutokwa!

³¹⁵ Kiñi, kambe ne mu ka Mu kupa fela ka nzila yeo, ka tumelo, kulumela cwalo, no ka ifiwa ki Yena ka linako zelikana milioni kapili kufita mo ne mu ka amuhela ku na. Mi muziba kuli Ne ni ka mitusa, Ne ni ka eza sika kaufela se Ni kona. Ufi kaufela wa mizwale na ka eza cwalo, lukona kuzwisa kapene kaufela mwa lipokoto zaluna ku kutusa. Ne luka eza sika kaufela se lukona. Kono se ki sika se mu lukela kulumela ka tumelo.

³¹⁶ Cwale, u lumela kuli uka i amuhela halunze lu lapela, mi u lapele, mi sicaba si lapele, mi Ni lumela kuli Mulimu uka taha ku to kuteka tapelo ya luna. Mi ona muzuzu luli o i kutwa kuli una ni Ona, kuli Mulimu uka alaba tapelo ya hao, mi kipeto wa fa buitamo, “Mulena, Ni ezize mafosisa, Hanina kueza cwalo ni kamuta. Ni ka nanula lizoho la ka, Na Ku sepisa kuli ha Ni na kueza cwalo,” Mulimu uka ku nga ka linzwi la hao. Mi u lumela fela ona cwalo mi kipeto li ka fela. Konakuli nanula fela mazoho a hao ni ku itumela ku Yena, “Mulena, Ni ezize buitamo bwaka. Mi Ni ziba kuli ki za Hao, mi U sepisize ku i alaba, mi ha U koni ku palelwa.”

³¹⁷ Ndate yakwa Lihalimu, luna, batanga ba Hao, lu yemela sikwata se ba batile kwapili ba tokwa limbuyoti za Hao ni mihupulo ya Hao ka nako ye. Ndate, ki lifa la Liñusa, nako ya manzibwana. Buñata bwa bona, Mulena, ba ipulela. Babañwi ba bona ba mwa ñalelwa ka kutokwa. Na lapela, Mulimu, kuli ka Libizo la Jesu nili Usike wa hanela iliñwi ya zona, kakuli Uka buluka Linzwi la Hao. Ni tisa Linzwi la Hao kwa kupuzo ya Hao, Mulena, sina Pitrosi mwa na ezelize ni balutiwa hane ba lapela mwa Likezo 4, se bali, “Mulena, hupula Linzwi! Macaba ba halifeñi mi batu ba lelezinži ze si na tuso?”

³¹⁸ Cwale, Ndate, lu tisa Linzwi la Hao. No ize, “Ya lumela ku Na una ni Bupilo bobusafeli. Ya taha ku Na Ha nina ku mu leleka. Ya utwa Manzwi a Ka mi alumela ku Ya Ni lumile una ni Bupilo Bobusafeli, mi haana kutaha mwa Katulo kono u sa zwile mwa lifu ku kena mwa Bupilo.”

³¹⁹ Oh, lu zibahalise likupo za luna ku Mulimu, mi Uka lu alaba. Yena una ni zeñata...“Ya ka ipulela libi za hae uka

ba ni swalelo. Ya pata sibi sa hae haana ku shemubiwa.” Mi lu bulela mafosisa a luna. Na ipulela bumaswe bwa sicaba. Ni ipulela bufosi bwaka. Ni kupa sishemo. Ni kupa foliso. Ni kupa muhau. Ni kupa kuli U sulule Moya o Kenile, Mulena, ona fa cwana fa sicaba se si libelela se, kuli bupilo bwa bona bu cinciwe mwa sibaka sa ku cincezwa kwa Mulimu, mi ba ka bupiwa mwa siswaniso sa Mwana Mulimu, kuli Moya o no Mu file bupilo, ba ba ka taha mwa mibili ya bona ni kuba eza kuba bana ba bashimani ni basizana ba Mulimu. Lumeleza cwalo, Mulena.

³²⁰ Lu lumela kuli Utensi mo. Lu lumela kuli Uka kuteka Linzwi la Hao. Lu lumela kuli Uka kuteka kuikataza kwa Linzwi. Cwale aku lume limbuyoti ze fa sicaba se ha si nze si libelezi Kubateni kwa Hao ku to ba potela kwanu kwa aletare. Ka Libizo la Jesu.

³²¹ Cwale, haiba wa lumela, mi u lumela kuli u amuhezi, nanula lizoho la hao ku Mulimu. Haiba u li amuhela kuba tapelo ya tumelo ni buitamo bwa hao haunzo sikuluhela ku Mulimu, unanule lizoho la hao.

³²² Mi sicaba ha si yeme. Mañi ni mañi, a yeme, ya bata kueza buitamo ku Mulimu, cwale uli, “Na lumela Cwalo. Na Li amuhela. Na Li lumela.”

³²³ Cwale amu nanule mazoho a mina ni ku Mu fa milumbeko ni zeo kaufela li ka fela. Kanya ku Mulimu! Ni Itumezi, Mulena Jesu, ka bunde bwa Hao ni sishemo sa Hao, ni ka lika kaufela Zo lu ezelize, Mulena. Lwa Ku fa milumbeko ka Jesu Kreste. 

MULUMIWA WA MANZIBWANA LOZ63-0116
(The Evening Messenger)

Liñusa le ka Muzwale William Marrion Branham, neli kutilizwe lwa pili mwa Sikuwa la Bulalu manzibwana, Sope 16, 1963, ili fa Pentecostal Church Of God mwa Mesa, Arizona, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org